



МЕСЯЦА ЯНВАРЯ В 5-Й ДЕНЬ

**Предпразднство Просвещения,
и святых мученик Феофемта и Феоны,
и преподобных Синклитикии**

**На Господи, воззвах: стихирь мучеников 3,
глас 4.**

Подобен: Яко дбля:



Фео́ну и Феофе́мта му́дрья воспо́йм: / Хри-
сто́вым бо догма́том повиную́щися, / служе́-
ние вся́ко нечести́вое све́тло упраздни́в-
ше, / свя́те, и че́стне, и благонаде́жне
послужи́ша, / Еди́наго Бо́га и Го́спода пред ли́цем
мучи́телей благодерзнове́нно испове́дающе, / и
венча́еми свѣ́ще.

Жити́я, до́лу влеку́щая, и пи́щи наслажде́ние, / и
цвету́щую сла́ву, всехва́льнии, оста́вивше я́ко
привре́менну, / Христу́ прилепи́стися, / Того́ добро́-
тою кра́сною распала́еми, / и принесо́стися, я́ко
сладково́ннии шипцы́, / и венце́м нетле́ннаго Ца́р-
ствия Боголе́пно венча́стися.

Иже мир возненави́девше, / преми́рни яви́стися, /
в Це́ркви перво́рдных совокупи́стися / и со А́нгелы
поете́ песнь нетле́нную, / пред Бо́гом предсто́-
яще вку́пе, / скверну́ю идо́льскую лесьть отринув-
ше, / мучи́телей безумие́ мученически посрами́сте.

Ины стихиры преподобныя, глас 1.

Подобен: Небесных чинов:

Славы отцев войстинну возжелавши, / славу нетленную возлюбила еси, / темже отступльши сладких, / тело твое болезнем всем отдала еси. / И ныне болезней приемлещи возмездие / со Христом царствующи.

Иже Йова попустив испросившему, / и тя искусити хотя, яко злато, / остави тело твое нуждею лукаваго, / темже ты, посрамивши терпением недугов искусителя, / победы венцем венчалася еси.

Жениха красную доброту возжелавши, Христа, / и уневеститися Сему ты восхотевши всеми видами благих, / болезнями воздержания тебе украсила еси, / темже ныне с Ним царствуеши, в чертозе Его.

Слава, и ныне, глас 6:

Готовися, Иордане реко: / се бо приходит Христос Бог креститься от Иоанна, / да змиев невидимья главы сокрушит Божеством в водах твоих. / Радуйся, пустыне Иорданская, / горы, играйте с веселием: / приходит бо Вечный Живот возвати Адама. / Глас вопиющего, возопий, о Иоанне Предтече: / уготовайте пути Господни / и стези Его правы соделайте.

На стиховне стихиры, глас 6.

Подобен: Тридневен:

Земля и наземная, играйте и радуйтесь: / Поток сладости в реце крещается, / изливание изсушая злобы, / и источает Божественное оставление.

Стих: Сего ради помянух Тя / от земли Иордански и Ермонийски.

Света сый податель Иисус, / не требуя* креститься, / плотию восходит на Иорданския струи, / просветити сущия во тьме хотя. / Верую Сего усердно срящем.

Стих: Видеша Тя воды, Боже, / видеша Тя воды и убояшася.

* не требуя — не нуждаясь

Понес раба зрак, / предгрядеши креститися, Христэ, от раба / во Иорданских струях, / избавляя от работы ветхаго греха, / и освящая, и просвещая нас.

Слава, и ныне, глас 6:

Да возрадуется пустыня Иорданова, / и да процветет, яко крин, / глас бо вопиющаго услышан бысть в ней: / уготовайте путь Господень. / Горы бо поставивый ставилом, и долиа мерилом, / вся исполняяй, яко Бог, крещается от раба, / обнищевати начат, богатныя дары даруяй. / Услыша Ева: в печалех родиши чада. / Ныне же услыша Дева: радуися, Обрадованная, Господь с Тобою, / имей велию милость.

Тропарь, глас 4:

Возвращашеся иногда Иордан река милотию Елиссеевою, / вознесшуся Илий, / и разделяхуся воды сюду и сюду / и бысть ему сух путь, иже мокрый, / во образ войстинну Крещения, / иже мы текущее жития преходим шествие: / Христос явися во Иордане освятити воды.



НА ПОВЕЧЕРИИ

Канон [егоже краегранесие: И днесъ же субботу пою великую]. Ирмос по дважды, тропари же на 6, и паки тойже ирмос оба лика вкупе. Глас 6.

Песнь 1

Ирмос: Волною морскою / Покрывшаго древле гонителя мучителя, / Иорданския струй спрятовает и крывает, / мое ныне очищая человеческим очищением, / славно бо прославися.

Господи Боже мой, / светоименное пение и предпразднственную песнь Тебе поем, / Божественным явлением таинственно обновльшему нас / и к светлости Божественней возводящему.

Горé превéчна и дóле нóво явльшася Тя, / премíрная и земнáя, Спáсе, ужасáхуся, зряще, / и éже пáче слóва Твоé воспевáху снизшэствии.

Да Твоея славы всяческая исполниши, / Тебе
Самого истощил еси даже и до рабства образа. /
Ныне же длани раба подклоняеши главу рабски, /
мое название благоутробно очищая.

Песнь 3

Ирмос: Тебе, на водах / Основавшаго всю землю
неодержимо, / тварь, видевши плотию кримаго в
водах, / ужасом многим содержаеши: / несть свят,
паче Тебе, Господи, — взывающа.

Образы перее пророками показал еси Твоего
Богоявления, / ныне сокровенная действиями ска-
зал еси, / явль тайны человеком днесь, подай новое
возрождение.

Простре Иордан воды, яко плещи, / с трепетом
приятя Зиждителя, телесно крещаемого и вся
освящающаго: / несть свят, паче Тебе, Господи, —
взывающа.

Велие ко спасению напутие крещением подаёт
Христос / чувствующим Его Божественное осия-
ние, с веселием поющим: / несть свят, паче Тебе,
Господи Человеколюбче.

Песнь 4

Ирмос: Еже ко Крещению Твое пришествие
провидя, Аввакум, / ужасся, вопияше: / на море
кони Твоя, / воды многи навел еси, Спасе, смуща-
юща.

Явльшуся Тебе телом, освятися земля, / воды
благословяшася, Небо просветися, / род же чело-
веков горькаго мучительства вражия избавися.

Глаголом Божественным ныне Предтеча из
пустыни грядёт ко Иордану, глаголя: / покайтесь,
приблизися бо Небесное Царство, / призывая вся
к славе Божией.

Превращей перее море в сущу, и источники от
нескомаго источив, / прегрешений очищение ны-
не содевает во Иорданских струях огнём Духа.

Песнь 5

Ирмос: Богоявления Твоего, Христэ, / к нам
милостивно бывшаго, / Исаия, Свет виде в Неве-
черний, / из ноци утреневав, взываше: / просве-

щеннии, приидите, омьйтесь водою Божественною / и Духом яве и душу, и тело очистите.

Новотвориши земнородныя, Нов Адам быв Содетель, / огнем, и Духом, и водою странное совершая возрождение / и обновление чудное, кроме сокрушения / и горнил Крещением Богодетельным новотворя.

Духом души новотвориши, водою же освящаеши тело сложеное, / животно назидая человека: / сугубому бо сродная потребно, лечбы мудрым промыслом приносиши, / яко Врач телес и душ.

От Чистыя, прошед, рождейся из Отца прежде веков, / к сущему из неплодныя пришел еси, прося яко Человек Крещения, / но от воды таинственно Духом соделал еси, Спасе, многочадну Церковь, पहले безчадную.

Песнь 6

Ирмос: Ят бысть, / но не удержан страхом Божественный Креститель: / аще бо и спрятовается приблизитися Огню сено, / но, слышав: остави ныне, — / тече, повеление исполняя, яко раб, / Божественному же, свьше свидетельствующему гласу, / услыша Сына Превечнаго.

Написался, но не поработился еси, кесаревым повелением повинуюся: / аще бо и от работы утешение нам подай, / вольно повинуешься и даньствуеши дидрахму, / но законом греха पहले проданныя ны свободил еси ныне / и сыноположения удостоил еси.

Царствуеши, но не мирски, естеством Сый Царь: / аще бо и по плоти от племени Давидова родився, / престол царствия, Спасе, сего приял еси, / но свойственну имаши державу Царствия со Отцем прежде веков, присно / и во веки с Духом.

Царь убо, мира Начальник и сущих в водах древле пронаречеса, / но удавляется Твоим очищением / и низлагается яко езерский पहले легион. / Рук же Твоих, Спасе, создание, поработенное от него, / державною Твоею рукою свободения сподобил еси.

Песнь 7

Ирмос: *Неизреченное чудо: / в пещи Избавивый преподобныя отроки из пламене преклоняет верх / и просит Крещения от раба, / очищая вопиющия: / Избавителю Боже, благословен еси.*

Сечется струя पहले милотию Иорданская, прообразующи Крещение Твое, / иже и страстей растерзается хитон, / и нетления одежда самотворится вопиющим Богу: / благословен еси.

Богата струя, в себе бо приими крещаем Содетеля, / показая источник животныя воды на спасение нас, песнопойущих: / Избавителю Боже, благословен еси.

Мертвость Божественную знаменительно образующе, / погружением в воде трикратным в Крещении Христу соостаем, / тридневному востанию приобщающемся и вопиюще Христу: / благословен еси во веки.

Единая благодать Отца, Сына же и Духа совершающая / даром желающия верно Божественнаго Крещения, / сыноположения восприимшия власть, еже вопити: / Боже, благословен еси.

Песнь 8

Ирмос: *Ужаснися, бойся, Небо, / и да подвижатся основания земли: / се бо водою облачится / Опалимый водою прежде праведнаго жертву преславно. / Егоже, отроцы, благословите, / священницы, воспойте, / люди, превозносите во вся веки.*

Избавление грядет Христос Крещением подати всем верным: / сим бо Адама очищает, падшаго возвышает, / низложшаго мучителя посрамляет, / Небеса отверзает, / Духа Божественнаго низводит / и нетления причастие дарует.

Престань лесть вражия, глас бо вопиющаго в пустыни: / путь Господень, — зовет, — уготовайте / и вся стези Его правы творите, — повелевает, / дебрь бо смиряется, естество земных возвышается, / гора и холм же врагов понижается.

О, преславных даров! / О, Божественныя благодати и несказанныя любви! / Се бо водою очищает мя, огнем просвещает мя / и Духом Божественным совершает мя Содетель и Владыка, /

ныне во Иордане в мое облекся естество, Безгрешный.

Песнь 9

Ирмос: Не рыдайте все, / отчаяния тенетами
удавляеми, человецы, повиннии злых, / но во
умилении души приступим Очищающему вся, / яко
Единому Чистому / и Дающему прощение Креще-
нием.

Во страннем Твоем Рождестве первее из Девы
преестественно удивил еси, Слове Божий. / Ныне
же величаем, велие таинство совершая преславно
причастием честным, / купель многочадну Божест-
венным Духом.

Земля освятися Рождеством Твоим святым, Сло-
ве, / повѣдающим Небесем звездою славу Твою. /
Ныне же водное естество благословися, Тебе
плотию крещуся, / и род земнородных к первому
взыде паки благородию.

Да радуется земля вся, Небо да веселится, / мир
да играет, реки да плещут рукою, / источники и
езера, бездны, моря да срадуются: / приходит бо
Христос Адама очистити и спасти Божественным
Крещением.

И паки ирмос, и поклон.



НА УТРЕНИ

На Бог Господь: тропарь предпразднства,
трижды.

По 1-й стихологии седален, глас 1.

Подобен: Лик Ангельский:

Веселися, реко Иордане, / в тебе бо всех Творец
приходит волею / Крещение прийти от раба, яко
Благоутробен. / Красуйся, ликуй, Адаме и Ево
прамати: / прииде избавление всех, Бог Пребла-
гий.

Слава, и ныне, глас и подобен тойже:

Поток сладости Владыка сый, предгрядет во
струях речных креститься, / напоити мя хотя

очищения водами./ Егóже зря, Иоáнн вопиáше:/
кáко рúку мою на верх Твой простру́,/ Егóже
трепéщут всяческая?

По 2-й стихоло́гии седа́лен, глас 3.

Подóбен: Красотé дéвства:

Ада́мову наготу́ одева́я, Благоутрóбне, во оде́ж-
ду сла́вы,/ хóщещи обнажи́тися плóтию во Иорда́-
не реце́./ О, чудесе́ пресла́внаго!/ Кáко Ты поды́мет
вода́, Влады́ко Го́споди,/ водами покрыва́ющего
превы́спрення?—я́коже пи́шет./ Поём, Иисúсе
Благоде́телю, вси Твоé явлéние.

Сла́ва, и ны́не.

Подóбен: Божéственныя ве́ры:

Вéлие Со́лнце во Иорда́не просия́ти грядéт,/ е́же
из Дéвы, из о́блака возсия́вшее, Христóс Бог наш,/
грехо́вный отгоня́ мрак и ми́ра просвеща́я концы́,/
Егóже осия́ния получи́ти благоче́стно помóлим-
ся,/ прося́ще прияти вéлию мило́сть.

**Кано́ны три: предпра́зднства со ирмосо́м на 6,
мучеников на 4 и преподо́бныя на 4. Кано́н
предпра́зднства, глас 1.**

Песнь 1

Ирмо́с: Го́рькия рабо́ты избавлься, Израиль/
непроходи́мое про́йде, я́ко су́шу,/ врага́ зря пото́п-
ляема,/ песнь я́ко Благоде́телю поёт Бо́гу,/ чудодé-
ющему мьшцею вы́сокою,/ я́ко просла́вился.

Христóс грядéт ко Крещéнию,/ Христóс ко
Иорда́ну приходи́т,/ Христóс на́ши в воде́ поgre-
ба́ет ны́не грехи́, я́ко Благ,/ с весéлием воспо́йм
Ему́, я́ко просла́вился.

Да кро́пят, веселя́щися, о́блацы весéлие вéчное:/
Христóс Иисúс предгрядéт водами Иорда́нскими
пото́ки грехо́вныя пото́пити,/ просвещéние всем
да́руя.

Се Свет явля́ется,/ се Очищéние показу́ется,/ се
Спас предстои́т просия́ти су́щим во тьме Божé-
ственныя за́ри./ Сего́ помышлénными чы́стыми ра́-
достно поды́мем.

Ин канон мучеников, глас 7.

Песнь 1

Ирмос: *Поим Господеви, / погрузившему всю силу фараонову в мори, / победную песнь, / яко прославися.*

Грядите, вернии, согласно празднуим препрославленную память страдальцев, / в песнях духовных славословяще Христа.

Страстотерпцы Христовы и веры твердии поборницы, / на нечестие ополчившися крепко, враги победиша.

Нечестивый гонитель и веры Христовы чуждь, / на страстотерпцы разгневався, злочестивый верою упражняется.

Богородичен: *Паству, юже стяжала еси, Богородительнице, / сию спасай от всякия нужды, молящи Спаса и Бога нашего.*

Ин канон преподобных, глас 2.

Ирмос: *Грядите, людие, / поим песнь Христу Богу, / раздельшему море и наставьшему люди, / яже изведе из работы египетския, / яко прославися.*

Венчати твою песнями память прихожду, / тебе надеявся, несмысленный и весь нечистый, / но даждь ми слово мудрости и разума твоими мольбами.

Весь ум к Божественней высоте вземши / и благих бездну и наслаждений познавши благодать, / вся претерпела еси, приключаяся тебе.

Ум к Богу вперивши Вышнему, / тело твоё, влекущее к дольным, воздержанием и болезнями облегчила еси, / желаящи великия славы.

Богородичен: *Пребыв, еже бе, и воплотився из утробы Твоея, / еже бехом дарова нам первое, от персти бывшим, / избавив прегрешений, Богородительнице.*

Песнь 3

Ирмос: *Не мудростию и богатством да хвалится смертный своим, / но верою Господнею, / православно взывая Христу Богу / и поя присно: / на камени Твоих заповедей утверди мя, Владыко.*

Прежде веков седяй со Отцем и Духом, / ныне в последняя из Девы воплощяся, якоже весть, / Христос грядет ко Крещению, / безсмертие Божественною банею всем подая.

Водою погребсти наша грехи хотя во Иорданских струях / за милосердие милости, Христос Бог предгрядет / и назидает истлевшия ны Крещением.

Обнажение студное покрывая Адама праотца, / обнажаешися вольно и струями Иорданскими Тебе Самаго покрываеши, / водами превыспренняя покрывая, Христэ, Едине Многомилостиве.

Ин

Ирмос: Утвердися сердце мое в Господе, / вознесся рог мой в Бозе моем, / разширишася на враги моя уста моя, / возвеселихся о спасении Твоем.

Благочестия и веры предстатели, Божественныя страдальцы восхвалим, / Феопемпта и Феону преславнаго.

Правило, и образ, и начертание явльшеся, Христовы великомученицы, / святых быша путевожди ко страданию.

Ревнующе сих добродетельному жителству, мученицы, / купно на судищи предстояще, взываху: / христиане есмы вси.

Богородичен: Родился еси из Девы несказанно, / явился еси, якоже благоволил еси, Человеколюбче, / и мир обновил еси, Господи.

Ин

Ирмос: Утверди нас в Тебе, Господи, / Древом умерщвлей грех, / и страх Твой всади / в сердца нас, поющих Тя.

Не пощадела еси плоти многими язвами, / ниже весьма неодержно дручаемая, к болезнем воздержания, / искуситель в нихже отревашеся.

Шествие тесное жизни ходатайственно нетленные и Божественныя ты избовила еси, / широкое оплевавши, / егоже ничтоже горше воистинну умимущему.

Горящу юностиному цвету отбеже теснотою и болезнями воздержания / и паление очес твоих слезными течении угасил еси.

Богорóдичен: Сло́во, вопло́щенное из Тебе́,
Всечы́стая, / плóти сквѣрну хотя́ омы́ти о́бразом
очище́ния, / течѣние водно́е дивѣтся.

Конда́к, глас 2.

Подóбен: Вѣшних ищя́:

Всех, Христѣ, Благоутрóбне, отъѣмляй прегрешѣний мно́жество / мѣлости ра́ди безмѣрныя, / Иорда́нскими вода́ми крестѣтся грядѣши, я́ко Человѣк, / одѣждею мя одева́я, / сла́вы дрѣвняа обнаже́нна лю́те.

Та́же седа́лен мученика, глас 1.

Подóбен: Гроб Твой:

Феопѣмгт, явѣвся свѣтѣтель сущих до́ле, / с Феóною кúпно твѣрдым и сострада́льцем, / мучѣтелем противлѣния не терпя́щим, ураня́ется: / Тя,— ра́дуясь, вопи́я,— чту Е́динаго, / погрѣбшаго во Иорда́нских стру́ях земных прегрешѣния.

Ин седа́лен преподо́бныя, глас 5.

Подóбен: Собе́значальное:

Пóстных превзошла́ еси́ ты терпѣния болѣзнь, / на Небесѣх наслажда́ешься бо́льшия обѣтели / и лу́чшия зарѣ испóлнилася еси́, / занѣ мѣжески жестóкий шѣствовала еси́ путь, победѣвши насто́ящая, / и А́нгелом уподо́билася еси́, / и ны́не сла́вы причаща́ешься тех.

Сла́ва, и ны́не, предпра́зднства, глас 1.

Подóбен: Гроб Твой:

Вели́кий Дождь к рѣчным стру́ям предгрядѣт, / плóтию крестѣтся восхотѣв. / К Немѣже Божѣственный Предте́ча, ужася́ся, глаго́лаше: / како́ крещу́ Тя, сквѣрны не имѣща весьма́? / Ка́ко простру́ мою́ десни́цу на главѣ, ея́же трепѣщут вся́ческая?

Песнь 4

Ирмо́с: Слы́ша дрѣвле Авваку́м, Христѣ, чу́дный Твой слух / и стра́хом взыва́ше: / от ю́га Бог приидет и Свѣтѣй от горы́ приосенѣнныя ча́щи / спасти́ пома́занныя. / Сла́ва си́ле Твое́й, Го́споди.

Вóду почерпѣте Жѣзни, / се ны́не прииде́ мѣра Река́ истинно / изсуши́ти му́тныя неvěрия во́ды и

просвещѣние источити поющим Ему:/ слава силе Твоей, Господи.

Веселися, пустыня, яже прежде жаждущая, / естество все человеческое: / ныне явися Поток сладости, Иорданскими водами решаая зной грехá. / Емуже поем верно: / слава силе Твоей, Господи.

Вопоющаго глас пророчески пустым возшумѣ помышлѣнием: / уготовайте пути правыя Христу грядущему, глаголющ, / яко да Крещением очистит обветшавшия ны, / разрешаая первое осуждѣние.

Ин

Ирмос: Услышах слух Твой и убояхся, / разумѣх дела Твоя / и ужасохся, Господи.

Всю напоиша вселенную словесы Божественными / Христовы великомученицы / и леть упраздниша.

Богатство некрадомо обретоша воистинну страстотерпцы, / богатство, славу и светлость земных оплеваша.

Вооружившися страстотерпцы Христовым оружием, / мучителево суровство все в сем низложивша.

Богородичен: Мати Чистая, / Благословенная Святая Дѣво, / поющия Тя спасай от всякаго обстояния.

Ин

Ирмос: Пришел еси от Дѣвы, / не ходатай, ни Ангел, но Сам, Господи, воплощся, / и спасл еси всего мя, человека. / Тем зову Ти: слава силе Твоей, Господи.

Ты, телесе преизрядствующи добротами, / была еси многим отречена, не получивши рачения. / Темже, изнувивши себе, причастилася еси Божественныя красоты.

Претерпела еси, яко Йов, телесное озлобление, / не изрекла еси слова, кончину привлекающаго, / летом и естеством же прешедши, Божественное прияла еси жилище.

Уединися от сродников, и родителей, и стяжания, / Христа единого ищущи некрадомо богатство

и неизживаемое, / с Нимже Вѣшняя славы явилася еси причастица.

Богородичен: Рождество Твое Адама от тли избави, кроме тления человекодельнаго, / ибо паче человека бысть зачатие. / Темже тления и зол мя, Отроковице, избави.

Песнь 5

Ирмос: Свет Твой незаходимый возсияй, Христэ, / в сердца верно поющих Тя, / мир подавая нам паче ума. / Тем от ночи неведения ко дню светом Твоим текуще, / славословим Тя, Человеколюбче.

Мира, Христэ, сый Царь, / вражды средостение разорил еси, / плоти подобием явився сущим на земли. / Темже пришествие Твое виде, Иоанн дивляшеся со страхом, / рукоположити Тя повелеваемъ.

Змиев главы сокрушити Христос спеша, / ныне грядет водами и трепещущему вопиет Крестителю: / простри твою руку, и прикоснися верху Моему, / и ужас оттряси, совершая повеленное.

Сказаше пророк благодать иногда Крещения Божественным Духом, / поразив Иорданския струи милотию, яже разделишася, / нам путетворящая возрождение Божественное в них явльшагося Христа.

Ин

Ирмос: Утренююще, Слове, в славу Твою и хвалу, / восхваляем непрестанно образ Креста Твоего, / Егоже дал еси нам оружие в помощь.

Мудрии страдальцы, веры оружницы, / муки доблественне врагов пребеззаконных победивше, купно венцы прияша.

Ни ласкание, ни лесть, / ни слава земных возможе отсеци веры вашей течение, страдальцы, / темже и радуется.

Предстояще престолу славы Господни, / со Ангелы непрестанно молитесь / дати прегрешений очищение верою поющим вас.

Богородичен: Всесвятая Дево Обрадованная, / рождающая в лете Слово паче слова, / моли Его спасти души наша.

Ин

Ирмос: *Свѣта Подателю / и веков Творче, Господи, / во свѣте Твоих повелѣний настави нас: / разве бо Тебѣ, иного бѣга не знаем.*

Храм была еси обитающаго в чистых дусех Слова, мудрая, / осияла бо еси ты воздержания многими болѣзнями души твоея доброту, преславная.

Плоть умертвила еси, обагрѣнную естественною благодатию болѣзнями многими, / уясняючи паче свѣтом добродѣтелей душевный образ, / свѣтло сияющий.

Вещь телесе души твоея ко Христу желанием распаливши, / ты ныне с невещественными невещественно войстинну Ангелы срадуешься, / Бѣга смотряючи.

Богородичен: Главы сокруши Главѣ благочестивых, Всечистая, / струями ныне гнездящихся змиев, / Рождейся из Твоея утробы без семени войстинну.

Песнь 6

Ирмос: *Весь от страстей безмерных содержуся / и китом зол снизпадѣх, / но возведи из истлѣния мя, Бѣже, / якоже прежде Иѳону, / и верою безстрастие ми даруй, / яко да во гласе хвалѣния и спасѣния духом пожру Ти.*

Милосердие щедрот Христос показуя, / в рабии зраце Непременный приходит к рабу, прося Крещѣния, / от работы восхищая человечество, / Егоже удивлься пришествию, ужасается и страхом одержим бывает.

Како Ты рѣчныя струи примут, нестерпимаго Огня, ныне идуща? / Како обнажѣние Небеснии видят Ангели? / Како руку Иоанн прострет на Тя, / Слове Бѣжий Пребезначальне, / того от земли создавшаго?

Море разделяется, бежаше, показав новым людем Божественное прехождѣние, / еже содела в реце, плотию пришед, / Иже из камени преславно источив воду. / Сего яко Бѣга прославим, наше сокрушѣние наздавшаго.

Ин

Ирмос: *Иона из чрева адова вопиаше: / возведи от тли живот мой. / Мы же Тебе вопием: / Всесильне Спасе, помилуй нас.*

Упраздниша идольскую лесть мученицы, на судищи страждуще, / и нечестие все потребиша от земли страданием своим.

Представи враг и гонитель веры своей служители / мечми, якоже агнцы, убивати вас горько, мученицы славии.

Якоже виде лик святых мучители, вооруженныя мечми, мужески вопиаше: / воины Христовы есмь, о мучителю!

Богородичен: *Егоже родила еси, Богородице, несказанно, Бога нашего, / молящи не престаи избавити от бед поюция Тя, Чистая Приснодево.*

Ин

Ирмос: *В бездне греховней валяясь, / неизследную милосердия Твоего призываю бездну: / от тли, Боже, мя возведи.*

Просветившись зарею духовною, / всякое наслаждение отринула еси плотское, яко ночью, / добрых бо уязвилася еси желанием.

Облиста твоя светоносная днесь память, / издаля просвещаючи душ омрачение, / монахов подвижающихся удобрение.

Чистоту девства соблюла еси, почитаючи чертог нетленный: / Христа бо желанием разжеглася еси, / страннаго Жениха твоего.

Богородичен: *Да славы исполнимся, / прииде в безславное человечество славы Господь. / Якоже человек, миемь, / Твой Сын человеки прослави.*

Кондак предпразднства, глас 4:

Во струях днесь Иорданских быв, Господь / Иоанну вопиет: / не убойся крестити Мя, / спасти бо приидох / Адама первозданнаго.

Икос:

Не истязую тя, Крестителю, пределы переходити, / не глаголю тебе: / рцы Ми, яже глаголеши беззаконным и учиши грешники. / Точию крестити Мя молча и чая, яже от Крещения: / примешь бо

сего ради достоинство, еже не бысть Ангелом, /
 ибо всех пророков больше ты сотворию. / От оных
 ибо ни один яже Мя виде, / но во образех, и сенах, и
 гаданиях, / ты же пред тобою стояща видел еси, /
 спасти бо приидох Адама первозданнаго.

Песнь 7

Ирмос: *Проидоша, яко чертог, пещный пламень
 нестерпимый / иже за благочестие иногда отроцы
 святии, показавшися яже, / и, согласно воспева-
 юще, песнь пояху: / отцев Боже, благословен еси.*

Христос спасение явися, просвещение даруя. /
 Да радуется Небо, облацы же да кропят истинно
 правду взывающим: / отцев Боже, благословен
 еси.

Руно, еже провиде Гедеон, полная чаша воды
 искапавшая / яже Твое Крещение сказоваше, Хри-
 сте, еже подаеши, крестився, воспевающим: / от-
 цев Боже, благословен еси.

Сланыя безчадствующие Елиссей исцеляя во-
 ды, / благочадие честныя купели прообразы, хотя-
 щее быти таинственно, воспевающим: / отцев Бо-
 же, благословен еси.

Ин

Ирмос: *Пещь горящую оросил еси, Спасе, /
 отроки спасл еси, поюция и глаголюция: / благо-
 словен еси во веки, / Господи Боже отец наших.*

Конец мучения прийте купно, / мечем
 умерщвляеми с женами и детьми, Христу вопи-
 юще: / благословен еси, Господи Боже отец наших.

Радовахуся святии, зряще себе, мечи скончава-
 емья, / и верою взываху: / благословен еси, Госпо-
 ди Боже отец наших.

Нечестивых сверепство потребися от земли, / и
 бози падоша на землю / и сокрушишася мученик
 исповеданием, и венцы прияха.

Богородичен: *Спасай паству Твою, Всесвятая
 Чистая, от всякаго обстояния, / яко едина Пред-
 стательница рода нашего, / Благословенная Бого-
 родице Всепетая.*

Ин

Ирмос: *Боготротивное веление / беззаконно-
 ющаго мучителя высок пламень вознесло есть. /*

Христос же простре Богочестивым отроком росу духовную, / Сый благословен и препрославлен.

Зле умышляя, сопротивный души твоея крепость умягčiti недугами покушашеся, / и Иова приразивыйся терпению, мудре болезнями отражашеся, / твоим терпением, мудрая, уязвляясь.

Твоя ныне уклонися от треволнений жития к благоутішному душа пристанищу, / богата сущи добротами в Божественных пребываниих, мудрая, / идеже проуготовися твоим терпеливостраданием многим покоеще.

Мудре наставила еси во общем житии, место, глаголющи, изменити никогдаже, / великих бо ходатайственно воздаяний терпение, / словесы же и делесы пользоваться монашествующия воистинну не обленилася еси.

Богородичен: Водное естество от греха мя измывает / Рождества Твоего паче естества мудростию, / Бога бо очищение, Творца света, очищает, Богоневесто, / многими осквернившася, Дево, согрешенными.

Песнь 8

Ирмос: Чуда преестественнаго показа образ огнеросная печь древле: / огонь бо не опали юныя дети, / Христово являя безсеменное от Девы Божественное Рождество. / Тем, воспевающе, воспойм: / да благословит тварь вся Господа и превозносит во вся веки.

Хвалу велегласно Владыце возслем: / прииде, явися, / восходит на воды, и обнажается, Небо облаки одевая, / и крещается, очищая ны, воспевающие: / да благословит тварь вся Господа и превозносит во вся веки.

Приидите мысленно, ко Иордану идем, / видение велие в нем узрим, / Иисус бо, просвещение, приходит и раба преклоняется длани, с трепетом вопиющая: / да благословит тварь вся Господа и превозносит во вся веки.

Угль, Егоже провиде Исаия, / в водах Иорданских разгоревся, / попали вещь всю грехов и подаде сокрушенным наздание. / Темже, воспевающе, воспоем: / да благословит тварь вся Господа и превозносит во вся веки.

Ин

Ирмос: *Единаго Безначальнаго Царя Славы, / Егоче благословят Небесныя силы / и трепещут чини Ангельстии, / пойте, священницы, / людие, перевозносите Его во веки.*

Единаго Благоутробнаго Царя Славы исповедающе, / мудрии страдальцы прияша почести победы, вопиюще благодерзновенно: / людие, перевозносите Его во веки.

Твёрдо противишася Христовы страдальцы к мучителем, / страждуще доблественне, победиша идольскую лесь, вопиюще благодерзновенно: / людие, перевозносите во вся веки.

Якоже адаманты, доблии оружницы, / мучителей прещения и муки победивше, радостно вопияху: / пойте, священницы, людие, перевозносите Господа во веки.

Богородичен: *Единаго Благоутробнаго Превечнаго Слова, / из Девы в последняя рождшагося и спасаго человека род, / пойте, священницы, людие, перевозносите Его во веки.*

Ин

Ирмос: *В пещь огненную ко отроком еврейским снизшедшаго / и пламень в росу преложшаго Бога, / пойте, дела, яко Господа, / и перевозносите во вся веки.*

На земли живущи, к земли блаженных войстинну достигнути возжелела еси, / идеже чини Ангельстии, преподобных и постников, дев, живущие, / вечно песнословят Христа во веки вся.

Добротою естества лучши многих сущи, о души попеклася еси, / яко вид доброты душевныя мудре сохранивши, / темже доброту телесную угасивши, / распалилася еси воздержанием души твоея.

Бодр ум к Богу преусердием душевным ты стяжавши, / козни лстываго мудреца злых до конца успила еси, славная, / и ныне, успши, живёши во веки.

Богородичен: *Обновити земныя Сын Твой восхотев, / ко Иордану яко Человек тщится, Чистая, крайняя ради любви: / тамо бо всех сокрушшаго сотре, обновляет молитвами Твоими мир.*

Песнь 9

Ирмос: *Неизглаголанное Дёвы таинство: / Небо бо Сия, и Престол Херувимский, / и светоносный Чертог показася / Христа Бога Вседержителя, / Сию благочестно яко Богородицу величаем.*

Таинство странное зрю и преславное: / Иисус грядет волею к реце Иордану, вопия Иоанну: / твою десницу Ми, друже, займствуй, / страшная совершающему людем Моим в снабдение.

Пустынная Иорданская да процветут, / иже во тьме лежащи, велик явися вам Свет. / Видевше, зыграйте: / Христос, от Галилеи приходяй, плотию крестится от раба хощет.

Возвеселися ныне, Иордане, и ликуй, / Иоанне, зыграй, вся вселенная, радуйся: / се явися Христос, и обнажается, и крещается, / во одежду облачая нетления человечество.

Ин

Ирмос: *Паче естества Матерь и по естеству Деву, / Едину в женах Благословенную, / песньми, вернии, Богородицу величаем.*

Поправше вся идолослужения верою страстотерпцы Христовы, / Божественное течение скончавше благочестно и верою утвердиша.

Земная вся презревше верою страстотерпцы Христовы, вкупе усердно пострадавше, / от Бога прияша врачевания.

Страстотерпцы мужески вооружившися верою, / Господним крестом ополчения низложивша вражия и венцы прияша.

Богородичен: *Во чреве зачєнная непостижимое Слово / и Сие без семєне нам рождающая, / моли прилежно спастися душам нашим.*

Ин

Ирмос: *Безначальна Родителя Сын, Бог и Господь, / воплощся от Девы, нам явися / омраченная просветити, обрати расточенная. / Тем Всепетую Богородицу величаем.*

Уяснившись добротами девства, славная, / тебе самую украсила еси венцем воздержательного жития, / темже сугубым венцем венча ты странный Жених твой, / Егоже уязвилася еси ты любовью.

Надежда не посрами, Синклитикие, ты, всечестная, будущих, / юже имела еси в сердце твоём: / ныне бо прияла еси болезней воздаяния от Спаса, / за яже воздержания всяк вид прешла еси.

В крепость и утверждение, честная, Христа одеялася еси / и в землю ты кичение понизила еси глаголавшаго на Высоту неправду. / Темже ты венцем победы украси победы Податель Иисус.

Богородичен: **О** Тебе праотца падение крепость прият, / поити дальше крепости не имущее: / Крещением бо Сына Твоего всяка злоба ныне погрузи-ся. / Темже виновну Ты очищения проповедаем.

Светилен.

Подобен: Духом во святыхлице:

Яко виде Ты обнажена Йордан, / с трепетом к сущему от неплодове рече: / остави, о Иоанне, креститися Господа, / огнем и Духом очищающего всю тварь, / на сие бо прииде, освятити земныя и водное естество. Слава, и ныне:

Из Девы возсиявый в Вифлееме плотию / ко Йордану ныне тщится скверну отмыти земнородных, / к свету приводя во тьме сущия Крещением Божественным.

На хвалитех стихиры на 4, глас 6.

Подобен: Ангельския предыдите силы:

Что не домышляешися, Крестителю, смотрения, / еже совершаю за всех спасение? / Древняя остави ныне, и помышляй полезная. / Веруй Богу сошедшему / и, приступив, Мне послужи: / Бог бо приидох за благоутробию / Адама очистити от падения.

Вземляй наша грехи на рамена, / пришел еси, Иисусе, к струям Йорданским, / аз же ужасохся Твоего страшного пришествия. / Како убо ми велиши крестити Тя? / Сам мя очистити пришел еси. / И како Крещения от мене просиши, / всех Очищение?

Естества Моего непостижное Слово, / в рабий же зрак одеявся, / приидох на Йордан, / никакоже Мене отрещися. / Гряди, не бойся, приближися ко Мне, / десницу на верх Мой положив, возопий: / благословен, явлейся Боже наш, слава Тебе.

О, паче ума, безмёрныя Твоея нищеты, Слове Божий! / Мене ради, падшаго, / познах Тя, за милосёрдие во Адама облékшаяся / и сущия от Адама обновляюща, / и, повинуйся Твоему велению, вёрно зову Тебё: / благословён, явлейся Бóже наш, слава Тебё.

Слава, глас и подобен тойже:

С трепетом служá Иоáнн Владыце, / радуется душою и вопиёт с веселием: / срадуйтесь мне, вси рóди праотца, / прииде бо чаяние наше, / прииде на Иордán Христós, / вся от грехá Адамова очисти-ти, яко Благоутрóбен.

И ныне, глас и подобен тойже:

Воспойм, лю́дие, Рождённому от Дёвы / и в реце крещшемуся Иордáne, / и к Немú возопийм: / Царю всякия твáри, / даруй нам неосуждённо / чистою совестию вёрно достígнути / Твоё святóе из мёртвых триднёвное востáние.

На стихóвне стихиры, глас 2.

Подобен: Дóме Евфрафов:

Се Царь, / се чаяние / Израилево прииде. / Лю́дие, радуйтесь, / Свет бо является.

Стих: Сего ради помянух Тя / от земли Иордáнски и Ермонийски.

Узрётся сущим / на земли с плóтию, / Божественный ныне Свет / сущим во тьме явйся, / и всем благодать возсия.

Стих: Видеша Тя воды, Бóже, / видеша Тя воды и убояшася.

Светильниче Свету, / зарé Сóлнцу, / предтечé Слово, / дру́же Жениху, / прорóче, послужи.

Слава, и ныне, глас 8. Анатóлиево:

Иоáнне Крестителю, / во утрóбе познавый Мя, А́гнца, / на реце Ми послужи, / со Ангелы Ми слúжбу принеси: / простёр, коснйся рукою твоёю верху Моему пречистому / и, егда ўзриши горы трепещущия / и Иордán возвращающся, с сими возопий: / воплотивыйся от Дёвы в наше спасение, / Гóсподи, слава Тебё.

По Благо есть: трисвятóе. По Óтче наш: тропáрь. Тáже ектенйá и отпу́ст.

Священномученик Феопемпт, епископ Никомидийский, и мученик Феона-волхв пострадали в Никомидии в 303 году, во время гонений на христиан, воздвигнутых императором Диоклитианом. Вторым и третьим указами Диоклитиана, принятыми в 303 году, предписывалось пытаться и казнить христиан, отказавшихся принести жертвы перед статуями языческих богов. В Никомидии, где была резиденция Диоклитиана, император принимал непосредственное участие в жестоких казнях. Когда епископа Никомидийского Феопемпта поставили перед статуей Аполлона и сам император приказал ему поклониться идолу, святитель бесстрашно отверг идолопоклонство, твердо исповедуя веру Христову. По приказу Диоклитиана епископа бросили в раскаленную печь, но он, помощью Божией, остался жив. Смущенный силой, как он полагал, христианского волшебства, Диоклитиан приказал бросить святителя Феопемпта в темницу и держать его без пищи и питья. Господу было угодно, чтобы мученик остался жив, несмотря на 22 дня сурового заточения. Тогда по зову Диоклитиана пришел известный волхв Феона, чтобы разрушить одно «волшебство» другим.

Феона показал силу своего чародейства: от его слова распался на две части свирепый вол.

Преподобная Синклитикия родилась около 270 года в Александрии, куда переселились из Македонии ее благочестивые и знатные родители. Многие юноши, очарованные красотой Синклитикии, искали ее руки, но тщетно: в ее душе таилось желание иной, духовной жизни, сердце ее пламенело любовью ко Господу. Не о нарядах и увеселениях, а об угождении Богу заботилась святая дева. Она очищала и украшала свою душу постом и делами милосердия, а утешение находила в усердной молитве.

По смерти родителей святая Синклитикия все имущество свое раздала бедным. Взяв с собой слепую сестру, полубившую уединение, она поселилась в склепе на могиле своего родственника. Пригласив пресвитера, преподобная приняла иноческий постриг.

Восхищенный император приказал привести из темницы святого Феопемпта и просил Феону приступить к делу. Феона объявил, что он использует два безотказных способа умертвить Феопемпта; если же тот уцелеет, то Феона готов уверовать в Бога христианского.

Святитель Феопемпт призвал на помощь силу Божию и спокойно съел предложенный ему чародем отравленный хлеб, а затем выпил отравленную воду. К удивлению присутствовавших он остался невредим. Потрясенный Феона пал к ногам епископа и исповедал веру во Христа. Диоклитиан велел ввергнуть в темницу и святого Феопемпта, и Феону. Ночью в темнице святитель Феопемпт крестил Феону и нарек ему имя Синесий (т. е. исполненный разума), так как он познал веру в Истинного Бога.

На следующий день император пытался уговорить святого Феопемпта принять языческое лжеверие, обещая ему почести главного волхва. Убедившись в непреклонности святого мученика, император приказал его обезглавить. Казнь святого Феопемпта не устрасила Феону, он также отверг угрозы и посулы Диоклитиана. Феона был живым закопан в глубокий ров, приняв мученический венец. Это произошло в Никомидии в 303 году.

В первые годы подвижнической жизни святая Синклитикия превзошла многих, но скрывала свои подвиги. Вкушая лишь хлеб с водой, преподобная соразмеряла строгость поста с состоянием души и тела. Когда воздвигалась против нее брань врага, она усугубляла пост, не пила воды, спала на голой земле.

Великая подвижница желала быть безвестной в своем уединении, Но Господь судил иначе. Добродетельная жизнь преподобной привлекла многих дев и жен, которые приходили к ней за наведением. Святая долго одним молчанием отвечала на их просьбы, но, наконец, уступила настойчивости ревнующих о душевном спасении. Так образовалось при ней общежитие инокинь, и она была матерью-наставницей многих.

Подобно святому Антонию Вели-

кому, который явился основателем отшельнической жизни, святая Синклитикия стала основательницей пустынного общежития для дев и жен.

Духовная мудрость ее наставлений оказалась столь велика, что их записывали для назидания потомству. Вот некоторые из поучений преподобной Синклитикии.

«Много трудов и подвигов предстоит приходящим к Богу, но потом ожидает их радость. Желаящие развести огонь сперва задыхаются от дыма и плачут, а потом достигают, чего ищут; так и мы должны воспламенять в себе Божественный огонь со слезами и трудами».

«Враг нападает сперва объядением, негою и лободением. Эти ветры дуют особенно на молодой возраст. Когда душа воздержала чрево, победила чистотою чувственные удовольствия, является гордость или сребролюбие; в уме являются мысли о первенстве, учении, дарованиях, за-


слугах. Отшельница, если придут к ней такие помыслы, пусть идет в киновию».

Заботы святой Синклитикии о вверившихся ей душах никогда не ослабевали. Одних она обращала к добру строгостью, других поддерживала материнской любовью.

В конце жизни, в 80-летнем возрасте, преподобная потерпела от искушителя то же, что претерпел некогда праведный Иов: все ее тело было истощено и покрыто струпами. Святая безропотно переносила мучительную болезнь, сохраняя радостную приветливость. Так она страдала три года и шесть месяцев.

За три дня до смерти святая Синклитикия предсказала день и час своего разлучения с телом и открыла инокиням бывшее ей видение: святые Ангелы и лик светлых дев призывали ее в райские селения. В назначенный час блаженная преставилась ко Господу (†ок. 350).





**Послѣдование часѡв,
певаемых в навечерии Просвещенія**

**О часѣх в навечерии святых Богоявленій подобает зри
ведати:**

**Аще ли прилучится Богоявленіе в недѣлю или в
понедѣльник, часы поем в пятѡк, а ядѣм дважды днем:
монахи сыр и маслѡ, а миряне мясо. Аще ли Богоявленіе во
вторник, часы поем в понедѣльник. Аще ли Богоявленіе в
среду, часы поем во вторник. Аще ли Богоявленіе в
четвертѡк, часы поем в среду. Аще ли Богоявленіе в пятѡк,
часы поем в четвертѡк. Во вся сїя дни, от понедѣльника, в
навечерия пред Богоявленіем держим пост, никакоже
сыра, ни маслѡ вкушаем, но точию шти с соком да кутиѡ.**

**В началѣ 2-го часа знаменует в кампан, и, собравшеся во
храм, облачїтся иерей в фелонь, диакон же в стихарь. И
поставляет параекклисиарх аналогїи украшен прѣмо
царских врат, и вжїгают свещу на свѣщнице. Иерей же
исходит со Евангелием во храм или в трапѣзу царскими
враты, предходящу ему диакону с кадїлом. И полагает
иерей святѡе Евангеліе на аналоге и, став пред аналогом,
творит началѡ по обычаю, и по началѣ чтец:**

Слава Тебѣ, Бѡже наш, слава Тебѣ.
Царю Небесный, Утѣшителю, Дѡше Истины,
Иже вездѣ сый и вся исполняй, / Сокровище
благих и жїзни Подателю, / прииди и вселися в
ны, / и очїсти ны от всякїя скверны, / и спаси,
Блаже, дѡши наша.

**Святый Бѡже, Святый Крѣпкий, Святый Без-
смѣртный, помїлуй нас. (Трижды).**

**Слава Отцу, и Сыну, и Святому Дѡху / и ныне, и
прїсно, и во вѣки веков. Амїнь.**

**Пресвятая Трѡице, помїлуй нас; / Гѡсподи, очї-
сти грехи наша; / Владыко, прости беззаконїя
наша; / Святый, посети и исцели немощи наша,
Имене Твоего ради.**

Гѡсподи, помїлуй. (Трижды). Слава, и ныне:

**Отче наш, Иже еси на Небесех! / Да святїтся
Имя Твое, да приидет Царствїе Твое, / да будет
воля Твоя, яко на Небесї и на землї. / Хлеб наш
насущный даждь нам днесь, / и остави нам долги
наша, якоже и мы оставляем должникѡм нашим, / и
не введи нас во искушенїе, но избави нас от**

лукаваго. **Священник:** Яко Твое есть Царство, и сила, и слава, / Отца, и Сына, и Святаго Духа / ныне, и присно, и во веки веков. **Чтец:** Аминь.

И по возгласе кадит иерей святое Евангелие на аналоге окрест, и прочие иконы, и храм весь, и настоятеля, и братию. Чтец же чтет:

Псалом 5

Глаголы моя внуши, Господи, / разумей звание мое. / Вонми гласу моления моего, / Царю мой и Боже мой, / яко к Тебе помолюся, Господи. / Заутра услыши глас мой, / заутра предстану Ти, и узриши мя. / Яко Бог, не хотяй беззакония, Ты еси, / не приселится к Тебе лукавнуяй, / ниже пребудут беззаконницы пред очима Твоима: / возненавидел еси вся, делающия беззаконие. / Погубиши вся, глаголющия лжу: / мужа кровей и лстива гнушается Господь. / Аз же множеством милости Твоей вниду в дом Твой, поклонюся ко храму святому Твоему в страхе Твоем. / Господи, настави мя правдою Твоею, / враг моих ради исправи пред Тобою путь мой. / Яко несть во устех их истины, / сердце их суетно, гроб отверст гортань их, / языки своими льщаху. / Суди им, Боже, да отпадут от мыслей своих, / по множеству нечестия их изрини я, яко преогорчиша Тя, Господи. / И да возвеселятся вси, уповающие на Тя, во век возрадуются, и вселишися в них, / и похвалятся о Тебе любящии имя Твое. / Яко Ты благословиши праведника, Господи, / яко оружием благоволения венчал еси нас.

Псалом 22

Господь пасет мя, и ничтоже мя лишит. / На месте злачне, тамо всели мя, / на воде покойне воспита мя. / Душу мою обрати, настави мя на стези правды имене ради Своего. / Аще бо и пойду посреде сени смертных, не убоюся зла, яко Ты со мною еси, / жезл Твой и палица Твоя, та мя утешиста. / Уготовал еси предо мною трапезу, сопротив стужающим мне, / умастил еси елеом главую мою, / и чаша Твоя упояваючи мя, яко державна. / И милость Твоя поженет мя вся дни живота моего, / и еже вселити ми ся в дом Господень, в долготу дней.

Псалом 26

Господь просвещение мое и Спаситель мой, кого убоюсь? / Господь Защититель живота моего, от кого устрашуся? / Внегда приближатися на мя злобующим, еже снести плоти моя, / оскорбляющей мя и вразы мои, тии изнемогоша и падоша. / Аще ополчятся на мя полк, не убойтся сердце мое, / аще востанет на мя брань, на Него аз уповаю. / Едино просих от Господа, то възьщу: / еже жити ми в дому Господни вся дни живота моего, / зрети ми красоту Господню и посещати храм святый Его. / Яко скры мя в селении Своём в день зол моих, / покры мя в тайне селения Своего, на камень вознесё мя. / И ныне се вознесё главу мою на враги моя. / Обыдох и пожрох в селении Его жертву хваления и воскликновения, / пою и воспую Господеви. / Услыши, Господи, глас мой, имже воззвах: / помилуй мя и услыши мя. / Тебе рече сердце мое: Господа възьщу. / Взыска Тебе лице мое, лица Твоего, Господи, възьщу. / Не отврати лица Твоего от мене и не уклонися гневом от раба Твоего, / помощник мой буди, не отрици мене / и не остави мене, Боже, Спасителю мой. / Яко отец мой и матери моя остависта мя, / Господь же восприят мя. / Законоположи ми, Господи, в пути Твоём / и настави мя на стезю правую враг моих ради. / Не предаждь мене в души стужающих ми, / яко восташа на мя свидетелие неправеднии и солга неправда себе. / Верую видети благая Господня на земли живых. / Потерпи Господа, мужайся, и да крепится сердце твоё, и потерпи Господа.

Слава, и ныне: аллилуия, **трижды**. Господи, помилуй, **трижды**.

Слава, тропарь, глас 4:

Возвращаешся иногда Иордан река милотию Елиссеевою, / вознесшуся Илии, / и разделяхуся воды сюду и сюду, / и бысть ему сух путь, еже мокрый, / во образ войстинну Крещения, / имже мы текущее жития преходим шествие: / Христос явися во Иордане освятити воды.

И ныне, Богородичен:

Что Тя наречём, о Благодатная?/ Небо, яко возсияла еси Солнце правды;/ рай, яко прозябла еси Цвет Нетления;/ Деву, яко пребыла еси нетленна;/ Чистую Матерь, яко имела еси на святых Твоих объятиях Сына, всех Бога./ Того моли спастися душам нашим.

Таже, тропари сия поём по дважды, глас 8. Творение Софрония, патриарха Иерусалимского:

Днесь вод освящается естество,/ и разделяется Иордан/ и своих вод возвращает струи,/ Владыку зря крещаема.

И второй лик тойже тропарь без припева.

И паки первый лик, припев: Сего ради помянух Тя/ от земли Иордански и Ермонийски.

Яко Человек на реку пришёл еси, Христэ Царю,/ и рабское Крещение прияти тщишися, Блаже,/ от Предтечеву руку/ грех ради наших, Человеколюбче.

И второй лик второй припев: Видеша Тя воды, Боже,/ видеша Тя воды и убояшася.

И паки тойже тропарь.

Слава: Ко гласу вопиющего в пустыни:/ уготовайте путь Господень,/ пришёл еси, Господи, зрак рабий приим,/ Крещения прося, не ведый греха./ Видеша Тя воды и убояшася./ Трепетен бысть Предтеча и возопи, глаголя:/ како просветит светильник Света?/ Како руку положит раб на Владыку?/ Освяті мене и воды, Спасе,/ вземляи мира грех.

И ныне, паки тойже.

Таже прокимен, глас 4: И возгремё с Небесё Господь,/ и Вышний даде глас Свой. Стих: Возлюблю Тя, Господи, крепосте моя, Господь утверждение моё.

Пророчества Исаиина чтение (глава 35):

Тако глаголет Господь:/ да возвеселится пустыня жаждающая,/ да возрадуется пустыня и процветёт, яко крин,/ и да прозябнет, и вся возвеселятся./ И возрадуются пустынная Иорданова,/ и

слава Ливанова дана бысть ей и честь Кармилова, / и людие мой узрят славу Господню и высоту Божию. / Укрепитесь, руки ослабленные, и колена разслабленная, / утешитесь, и рците малодушным мыслию: / укрепитесь и не бойтесь, се Бог наш суд воздаёт, / Той придет и спасёт нас. / Тогда отверзутся очеса слепых, и ушеса глухих услышат, / тогда скочит хромый, яко елень, / и ясен будет язык гугнивых, / яко проразися в пустыни вода и дебрь в земли жаждущей. / И будет безводная в блата, / и в жаждущей земли источник воды будет. / Тамо будет веселие птиц, / водворение сиринов, и тростий, и блата. / Тамо будет путь чист, и путь свят наречётся. / И не мимоидет тамо нечист, / ниже будет тамо путь нечистый, / разсеянии же пойдут по нему и не заблудят. / И не будет тамо льва, / ниже от зверей лютых взидет нань, ниже обрящется тамо, / но пойдут по нему избавлении и собраннии от Господа, / и обратятся, и придут в Сион с веселием и радостию, / и веселие вечное над главою их. / Хвала, и радование, и веселие постигнет их, / отбеже болезнь, печаль и воздыхание.

Деяний святых апостол чтение (зачало 33):

Во дни оны, / якоже скончаваше Иоанн течение, глаголаше: / кого мя нещуете быти, несмы аз, / но се грядет по мне, / Емуже несмы достоин разрешити ремень сапогу Его. / Мужие, братие, сынове рода Авраамля, / и иже в вас, боящися Бога, / вам слово спасения Сего послася. / Живущии бо во Иерусалиме и князи их сего не разумевше, / и гласы пророческия, по вся субботы чтomia, осудивше Его, исполниша. / И ни единыя вины смертныя обретше, / просиша у Пилата убити Его. / Якоже скончаша вся, яже о Нем писана, / снемше со Древа, положиша во гробе. / Бог же воскреси Его от мертвых. / Иже явися на дни многи совозшедшим с Ним от Галилеи во Иерусалим, / иже ныне суть свидетелие Его к людям. / И мы вам благовествуем обетование, бывшее ко отцем, / яко сие Бог исполнил есть нам, чадом их, / воздвиг Иисуса.

Премудрость, прости, услышим святаго Евангелия.

От Матфея святаго Евангелия чтѣние (зачало 5):

Во время оно / прииде Иоанн Креститель, проповѣдуя в пустыни Иудейстей и глаголя: / покайтесь, приближи бо ся Царство Небесное. / Сей бо есть реченный Исаием пророком, глаголющим: / глас вопиющаго в пустыни: / уготовайте путь Господень, правы творите стези Его. / Сам же Иоанн имяше ризу свою от влас вельблуждь* / и пояс усмен о чреслах своих; / снедь же его бе пружие*** и мед дивий****. / Тогда исхождаше к нему Иерусалима и вся Иудея, и вся страна Иорданская. / И крещашуся во Иордане от него, исповедающе грехи своя. / Видев же Иоанн многи фарисеи и саддукеи, грядущия на Крещение его, рече им: / рождѣния ехиднова, кто сказа вам бежати от будущаго гнева? / Сотворите убо плоды, достойны покаяния. / И не начинайте глаголати в себе: / отца имамы Авраама. / Глаголю бо вам, яко может Бог от камня сего воздвигнути чада Аврааму. / Уже бо и секира при корени древа лежит: / всяко убо древо, еже не творит плода добра, посекаемо бываеет и во огнь вметаемо. / Аз убо крещаяю вы водою в покаяние, / Грядый же по мне, креплий мене есть, / Ему же несмы достойн сапоги понести, / Той вы крестит Духом Святым.**

Таже: Стопы моя направи по словеси Твоему, / и да не обладаеет мною всякое беззаконие. / Избави мя от клеветы человеческия, и сохранию заповеди Твоя. / Лице Твое просвети на раба Твоего / и научи мя оправданием Твоим.

Да исполнятся уста моя хваления Твоего, Господи, / яко да воспую славу Твою, / весь день великолепие Твое.

Трисвятое. По Отче наш: Священник: Яко Твое есть Царство: (зри страницы 185—186).

* от влас вельблуждь — из верблюжьей шерсти

** усмен — кожаный

*** пружие — саранча

**** дивий — дикий

Кондак, глас 4:

Во струях днесь Иорданских быв, Господь /
Иоанну вопиет: / не убойся крестити Мя, /
спасти бо приидох / Адама первозданнаго.

Господи, помилуй, 40, и молитву сию:

Иже на всякое время и на всякий час, / на
Небеси и на земли покланяемый и славимый,
Христэ Бóже, / Долготерпеливе, Многомилостиве,
Многоблагоутробне, / Иже праведныя любяй и
грешныя милуяй, / Иже вся зовый ко спасению
обещания ради будущих благ, / Сам, Господи,
прими и наша в час сей молитвы / и исправи
живот наш к заповедем Твоим. / Души наша
освяти, телеса очисти, / помышления исправи,
мысли очисти, / и избави нас от всякия скорби, зол
и болезней. / Оградй нас святыми Твоими Ангелы, /
да ополчением их соблюдаеми и наставляеми, /
достигнем в соединение веры и в разум неприступ-
ныя Твоея славы, / яко благословен еси во веки
веков, аминь.

Господи, помилуй. (Трижды). Слава, и ныне:

Честнейшую Херувим / и славнейшую без срав-
нения Серафим, / без исления Бóга Слова
рождшую, / сущую Богородицу, Тя величаем.

Именем Господним благослови, отче.

Священник возглашает:

Бóже, ущедри ны / и благослови ны, / просвети
лице Твое на ны / и помилуй ны.

Таже молитва:

Христэ, Свете истинный, / просвещаая и освя-
щаая всякаго человека, грядущаго в мир, / да
знаменуется на нас свет Лица Твоего, / да в нем
узрим Свет Неприступный, / и исправи стопы
наша к деланию заповедей Твоих / молитвами
Пречистыя Твоея Матере и всех Твоих святых,
аминь.

И час третий.

**Приидите, поклонимся Цареву нашему Бóгу. /
Приидите, поклонимся и припадём Христу, Цареву
нашему Бóгу. / Приидите, поклонимся и
припадём / Самому Христу, Цареву и Бóгу нашему.**

И псалом 28

Принесите Господеву сынове Божии, / **принесите** Господеву сыны овни, / **принесите** Господеву славу и честь. / **Принесите** Господеву славу Имени Его, / **поклонитесь** Господеву во дворе святём Его. / **Глас** Господень на водах, / **Бог** славы возгремё, **Господь** на водах многих. / **Глас** Господень в крепости, / **глас** Господень в великолэпии. / **Глас** Господа, сокрушающаго кедры, / **и стрыет** Господь кедры ливанския. / **И истнит** я, яко тельца ливанска, **и возлюбленный**, яко сын единорожь. / **Глас** Господа, пресецающаго пламень огня, / **глас** Господа, стрясаящаго пустыню, / **и стрясёт** Господь пустыню Каддйскую. / **Глас** Господень, свершающий елени, **и открьет** дубравы, / **и в храме** Его всякий глаголет славу. / **Господь** потоп населяет, / **и сядет** Господь Царь в век. / **Господь** крепость людем Своим даст, / **Господь** благословит люди Своя миром.

Псалом 41

Имже образом желает елень на источники водныя, / **сице** желает душа моя к Тебё, Боже. / **Возжада** душа моя к Богу крепкому, живому, / **когда** прииду и явлюся лицу Божию? / **Быша** слёзы моя мне хлеб день и ночь, / **внегда** глаголатися мне на всяк день: / **где** есть Бог твой? / **Сия** помянух, **и излиях** на мя душу мою, / **яко** пройду в место селения дивна, **даже** до дому Божия, / **во** гласе радования и исповедания, **шума** празднующаго. / **Вскую** прискорбна еси, душе моя, / **и вскую** смущаеши мя? / **Уповай** на Бога, яко исповёмся Ему, / **спасение** лица моего, **и Бог** мой. / **Ко** мне самому душа моя смятёся, / **сего** ради помянух Тя от земли Иордански и Ермонийски, **от** горы малыя. / **Бездна** бездну призывает во гласе хлябий Твоих, / **вся** высоты Твоя **и волны** Твоя на мне преидоша. / **В** день заповесть Господь милость Свою, / **и ноцию** песнь Его от менё, / **молитва** Богу животá моего. / **Реку** Богу: заступник мой еси, **почто** мя забыл еси? / **и вскую**, сетуя, **хожду**, **внегда** оскорбляет враг? / **Внегда** сокрушатися костём моим, **поношаху** ми врази мой, / **внегда** глаголати

им мне на всяк день: где есть Бог твой? / Вскую прискóрбна еси́, душе́ моя́, и вскую́ смуща́еши мя? / упова́й на Бо́га, я́ко испове́мся Ему́, / спасе́ние лица́ моего́ и Бог мой.

Псалом 50

Помилуй мя, Бо́же, по вели́цей ми́лости Твое́й / и по мно́жеству щедро́т Твои́х очисти́ беззакóние мое́. / Наипа́че омьй́ мя от беззакóния моего́ / и от греха́ моего́ очисти́ мя. / Я́ко беззакóние мое́ аз знаю́ / и грех мой предо мно́ю есть вь́ну. / Тебе́ Еди́ному согреших и лука́вое пред Тобо́ю сотвори́х, / я́ко да оправди́шия во словесе́х Твои́х / и победи́ши, внегда́ суди́ти Ти. / Се бо в беззакóнних зачатъ есмь, / и во гресе́х роди́ мя ма́ти моя́. / Се бо и́стину возлюбилъ еси́, / безвѣстная и та́йная пре́мудрости Твоея́ явилъ ми еси́. / Окропи́ши мя иссо́пом*, и очи́щуся, / омьеши́ мя, и па́че снѣга убелю́ся. / Слу́ху моему́ да́си ра́дость и весе́лие, / возра́дуются ко́сти смире́нныя. / Отврати́ лице́ Твое́ от грех мои́х, / и вся беззакóния моя́ очисти́. / Сѣрдце́ чи́сто сози́жди во мне, Бо́же, / и дух прав обнови́ во утробе́ мое́й. / Не отвержи́ мене́ от лица́ Твоего́, / и Ду́ха Твоего́ Свята́го не отыми́ от мене́. / Возда́ждь ми ра́дость спасе́ния Твоего́ и Ду́хом Влады́чним утверди́ мя. / Научу́ беззакóнныя путе́м Твои́м, и нечестивии́ к Тебе́ обратятъся. / Изба́ви мя от крове́й, Бо́же, Бо́же спасе́ния моего́, / возра́дуется язы́к мой правде́ Твое́й. / Го́споди, устне́ мои́ отверзеши, / и уста́ моя́ возвестятъ хвалу́ Твою́. / Я́ко а́ще бы восхотѣлъ еси́ жѣртвы, дал быхъ у́бо: / всесо́жже́ния не благоволи́ши. / Жѣртва́ Бо́гу дух сокруше́н, / сѣрдце́ сокруше́нно и смире́нно Бог не уничи́жит. / Ублажи́, Го́споди, благоволе́нием Твои́м Сио́на, / и да сози́ждутся стѣны́ Иеру́сали́мския. / Тогда́ благоволи́ши жѣртву правды́, возноше́ние и всесо́жега́емая, / тогда́ возложатъ на олта́рь Твой тельцы́.

Сла́ва, и ны́не: аллилу́ия, три́жды. Го́споди, помилуй, три́жды.

* иссо́п — ароматическое растение, применяемое при окроплении, освящении

Слава, тропарь, глас 4:

Возвраща́шеся иногда́ Иорда́н река́ мило́тию Елиссее́вою, / возне́сшуся Или́и, / и разделя́хуся во́ды сю́ду и сю́ду, / и бысть ему́ сух путь, и́же мо́крый, / во о́браз войсти́нну Креще́ния, / и́мже мы теку́щее жити́я прехо́дим шестви́е: / Христо́с яви́ся во Иорда́не освяти́ти во́ды.

И ны́не, Богоро́дичен:

Богоро́дице, Ты еси́ лоза́ и́стинная, / возрасти́вшая нам Пло́д живота́, / Тебе́ мо́лимся: / моли́ся, Влады́чице, со святы́ми апо́столы / поми́ловати ду́ши на́ша.

Та́же поём тропари́, глас 8:

Предте́чи, и Крестите́ля, и проро́ка, / и паче всех почтена́ проро́к, / трепета́ше ны́не рука́ десна́я, / егда́ ви́де Тебе́, Агнца́ Бо́жия, / очища́ющаго ми́ру согреше́ния, / и, по́двигом одержи́мь, вопия́ше: / не смею́ прикосну́тися, Сло́ве, верху́ Твоему́, / Сам мя освяти́ и просвети́, Ще́дре: / Ты бо еси́ Живо́т, и Свет, и Мир ми́рови. **Два́жды.**

Та́же стих. Глас 4: Сего́ ра́ди помяну́х Тя / от земли́ Иорда́нски и Ермонийски.

Тро́ица, Бог наш, / Себе́ нам днесь неразде́льно яви́: / и́бо Оте́ц явленным сви́детельством срóдства возгласи́, / Ду́х же голуби́ным о́бразом сни́де с Небе́с, / Сын Пречи́стый верх Свой Предте́чи преклони́ / и, креще́ся, челове́чество от рабо́ты изба́ви, / я́ко Человеколю́бец.

Стих: Виде́ша Тя во́ды, Бо́же, / виде́ша Тя во́ды и убо́яшася.

И на́ки то́йже тропарь.

Слава, глас 5: ^{чи}Гряды́и с плоти́ю ко Иорда́ну, Го́споди, / крестите́тся хотя́ во о́бразе Челове́ка, Животода́вче, / да прельсти́вшихся нас, я́ко Благоутро́бен, / вся́кия ко́зни и се́ти зми́евы изба́вив, просвети́ши, / от Отца́ сви́детельствуемь, / Боже́ственный же Ду́х голуби́ным ви́дом Тебе́ предста́, / но всели́ в ду́ши на́ша Того́, Человеколю́бче.

И ны́не, то́йже.

Таже, прокімен, глас 6: Вѣдеша Тя воды, Бóже, / вѣдеша Тя воды и убояшася. **Стих:** Глáсом моѣм ко Господу воззвах, глáсом моѣм к Бóгу, и внят ми.

Прорóчества Исáиина чтéние (главá 1):

Тако глаголет Господь: / измѣйтесь и чисти будете, / отымите лукавствия от душ ваших пред очима Моѣма, / престаните от лукавствий ваших. / Научитесь доброе творити, / изыщите судá, избавите обидима, / судите сѣру и оправдате вдовицу. / И приидите, и истязжимся,— глаголет Господь,— / и áще будут греси ваши, яко багрѣное, яко снег, убелю; / áще же будут, яко червлѣное, яко волну, убелю. / И áще хóчете и послушаете Менѣ, благая земли снѣсте. / Áще ли же не хóчете, ниже послушаете Менѣ, меч вас поѣст,— / уста бо Господня глаголаша сѣя.

Деяний святых апóстол чтéние (зачáло 42):

Во дни оны / бысть внегда бѣти Аполлосу в Коринфе, / Пáвлу же, прошѣдшу вѣшния страны, приити во Ефѣс, / и, обрѣт некия ученики, рече к ним: / áще úбо Дух Свят приѣли есте, веровавшие? / Онѣ же рѣша к нему: / но ниже, áще Дух Святый есть, слышахом. / Рече же к ним: / во что úбо креститесь? / Онѣ же рекоша: во Иоáнново крещѣние. / Рече же Пáвел: / Иоáнн úбо крестити крещѣнием покаяния, лóдем глаголя: / во Грядущаго по нем да веруют, сѣречь во Христа Иисуса. / Слышавше же, крестѣшася во Имя Господа Иисуса. / И возложшу Пáвлу на ня рúце, прииде Дух Святый на ня, / глаголаху же язѣки и прорóчествоваху. / Бяше же всех мужей яко дванадѣсать. / Вшед же в сонмище, дерзаше, не обинюяся, три мѣсяцы бесѣдуя / и уверяя яже о Цáрствии Бóжии.

Евáнгелие от Мáрка (зачáло 1):

Зачáло Евáнгелия Иисуса Христа, Сьна Бóжия, / якоже есть писано во прорóцах: / се Аз посылаю Ангела Моего пред лицем Твоѣм, / иже уготовит путь Твой пред Тобóю. / Глас вопиющаго в пустыни: / уготовайте путь Господень, правы творите стези Его. / Бысть Иоáнн, крестѣй в

пустыни, / и проповѣдая крещѣние покаянія во отпущѣние грехов. / И исхождаше к нему́ вся Иудѣйская страна́ и иерусалимляне, / и крещáхуся вси во Иордáне рецѣ от него́, исповѣдающе грехи́ своя. / Бе же Иоáнн оболчѣн власы́ вельблужди, / и пояс усмѣн о чрѣслех его́, / и яды́й акриды* и мед дивий. / И проповѣдаше, глаголя: / грядѣт Кре́плий менѣ, во след менѣ, / Емуже несмь досто́ин, прекло́нсья, разрешити ремень сапог Его́. / Аз у́бо крестих вы в водѣ, / Той же крестит вы Ду́хом Святы́м.

Та́же: Госпо́дь Бог благословѣн, / благословѣн Госпо́дь день дне, / поспешит нам Бог спасѣний наших, / Бог наш, Бог спасати.

Трисвято́е, по О́тче наш: Иерей, возглас: Я́ко Твое́ есть Ца́рство: *(зри страницы 185—186).*

Конда́к, глас 4:

Во струя́х днесь Иорда́нских быв, Госпо́дь / Иоáнну вопиѣт: / не убойся крестити Мя, / спасти́ бо приидох / Ада́ма первозда́ннаго.

Го́споди, помилуй, 40, и моли́тва: Иже на всякое вре́мя: *(зри страницу 191).* Го́споди, помилуй, **три́жды. Сла́ва, и ны́не: Честне́йшую Херувим: Именем Го́сподним благословѣ, о́тче. Иерей: Моли́твами святы́х о́тец наших:**

Та́же моли́тва:

Влады́ко Бо́же, О́тче Вседержи́телю, / Го́споди, Сы́не Единоро́дный, Иису́се Христе́, / и Святы́й Ду́ше, / Едино́ Божество́, Еди́на Си́ла, / помилуй мя, грѣшнаго, / и, и́миже ве́си судьба́ми, спаси́ мя, недосто́йнаго раба́ Твоего́, / я́ко благословѣн еси́ во ве́ки веко́в, ами́нь.

На трѣ́тнем и шесто́м часѣх кади́т диа́кон Ева́нгелие, и ико́ны, и насто́ятеля, и ли́ки то́кмо.

И глаго́лем час шесты́й

Приидите, поклонимся Царѣви нашему́ Бо́гу. / Приидите, поклонимся и припаде́м Христу́, Царѣви нашему́ Бо́гу. / Приидите, поклонимся и припаде́м Самому́ Христу́, Царѣви и Бо́гу нашему́.

* акриды — саранча

И псалом 73

Вскую, Бóже, отринул еси до концá? / Разгнёвася я́рость Твоя́ на овцы́ пáжители Твоея́. / Помяни́ сонм Твой, егóже стяжál еси́ испёрва, / избáвил еси́ жезлóм достоя́ния Твоегó, / горá Сион сия́, в нейже вселился еси́. / Воздвигни́ рúце Твой́ на горды́ни их в конéц, / елика́ лукавнова́ враг во святém Твоём. / И восхвали́шася ненави́дящи Тя посреде́ прáздника Твоегó, / положи́ша зна́мения своя́, зна́мения, и не позна́ша. / Яко во исходе́ превы́ше, яко в дубра́ве дрéвяне, / секи́рами разсеко́ша двéри егó вку́пе, / сэчивом и оскóрдом* разруши́ша и. / Возжго́ша огнём святи́ло Твоё, / на земл́ю оскверни́ша жили́ще Имене Твоегó. / Réша в се́рдцы своём ю́жики** их вку́пе: / приидите́, и отста́вим вся прáздники Бóжия от земл́и. / Зна́мения их не ви́дохом: / несть ктому́ проро́ка, и нас не позна́ет ктому́. / Докóле, Бóже, понóсит враг, / раздражи́т противный́ Имя Твоё́ до концá? / Вскую́ отвращáеши рúку Твою́ и десни́цу Твою́ от сре́ды нédра Твоегó в конéц? / Бог же, Царь наш прэ́жде вéка, соде́ла спасéние посреде́ земл́и. / Ты утверди́л еси́ си́лою Твоею́ мо́ре, / Ты стерл еси́ главы́ зми́ев в воде́, / Ты сокруши́л еси́ главу́ зми́еву, / дал еси́ тогó бра́шно лю́дем Ефио́пским. / Ты расто́ргл еси́ исто́чники и пото́ки, / Ты изсуши́л еси́ ре́ки Ифа́мския. / Твой есть́ день, и Твоя́ есть́ но́щь, / Ты соверши́л еси́ зарю́ и со́лнце. / Ты сотвори́л еси́ вся преде́лы земл́и, / жа́тву и весну́, Ты созда́л еси́ я. / Помяни́ сия́: / враг поно́си́ Господеви́, и лю́дие безу́мнии раздражи́ша Имя Твоё́. / Не преда́ждь звéрем ду́шу, испове́дающуюся Тебе́, / душ убо́гих Твои́х не забуди́ до концá. / При́зри на завет́ Твой, / яко испо́лнишася помраче́ннии земл́и домо́в беззако́ний. / Да не возврати́тся смире́нный посра́млен, / нищ и убо́г восхвали́та Имя Твоё́. / Воста́ни, Бóже, суди́ прю*** Твою́, / помяни́ поноше́ние Твоё́, е́же от безу́мнаго весь́ день. / Не забуди́ гла́са моли́твенник Твои́х, / горды́ня ненави́дящих Тя взы́де вы́ну.

* оскóрдом — топором

** ю́жики — родственники

*** прю — распрю, спор

Псалом 76

Гласом моим ко Господу возвах, / гласом моим к Богу, и внят ми. / В день скорби моея Бога взысках рукама моима, / нощию пред Ним, и не прельщен бых: / отвержеся утешитися душа моя. / Помянух Бога и возвеселихся; / поглумляхся, и малодушествоваше дух мой. / Предваристе стражбы очи мой, смятохся и не глаголах. / Помыслих дни первыя, и лета вечная помянух, и поучахся. / Нощию сердцем моим глумляхся, и тужаше дух мой. / Еда во веки отрнет Господь / и не приложит благоволити паки? / Или до конца милость Свою отсечет, / сконча глагол от рода в род? / Еда забудет ущедрити Бог или удержит во гневе Своём щедроты Своя? / И рех: ныне начах, сия измена десницы Вышняго. / Помянух дела Господня, / яко помяну от начала чудеса Твоя. / И поучуся во всех делех Твоих / и в начинаниих Твоих поглумлюся. / Боже, во святем путь Твой: / кто Бог велий, яко Бог наш? / Ты еси Бог, творяй чудеса, / сказал еси в людех силу Твою. / Избавил еси мышцею Твоею люди Твоя, сыны Иаковли и Иосифовы. / Видеша Тя воды, Боже, / видеша Тя воды и убояшася, / смятошася бездны. / Множество шума вод, / глас даша облацы, ибо стрелы Твоя преходят. / Глас грома Твоего в колеси, / осветиша молния Твоя вселенную, / подвижеся и трепетна бысть земля. / В мори путие Твой, и стези Твой в водах многих, / и следы Твоя не познаются. / Наставил еси, яко овцы, люди Твоя рукою Моисевою и Ааронею.

Псалом 90

Живый в помощи Вышняго в крове Бога Небеснаго водворится. / Речет Господеви: / Заступник мой еси и прибежище мое, / Бог мой, и уповаю на Него. / Яко Той избавит тя от сети ловчи и от словесе мятежна. / Плещма Своима осенит тя, и под криле Его надеешися. / Оружием обыдет тя истина Его: / не убойшися от страха ночнаго, / от стрелы, летящая во дни, от вещи, во тьме преходящая, / от сряща и беса полуденнаго. / Падет от страны твоея тысяща, и тьма одесную тебе, / к тебе же не приблизится. / Обаче очима твоима смотри-

ши и въздаяніе грѣшников ѹзриши./ Яко Ты, Гѡсподи, упованіе моѡе,/ Вѣшнѡго положил еси прибѣжище Твоѡе./ Не придетъ къ тебѣ зло, и рана не приближится телеси твоему,/ яко Ангеломъ Своимъ заповѣсть о тебѣ, сохранити тя во всехъ путѣхъ твоихъ./ На рукахъ возмутъ тя, да не когда преткнѣши о камень ногу твою./ На аспіда и василіска настѹпиши и поперѣши льва и змїя./ Яко на Мя уповѡ и избавлю и,/ покрѣю и, яко познѡ Имя Моѡе./ Воззовѣтъ ко Мнѣ, и услышу его./ С нимъ есмь въ скорби, измѣю его и прославлю его./ Долготѡю дней исполню его и явлю ему спасеніе Моѡе.

Слава, и ныне: аллилуїя, трїжды. Гѡсподи, помилуй, трїжды.

Слава, тропарь, глас 4:

Возвращаешся иногда Иорданъ рекѡ милотию Елиссеевою,/ вознесшуся Илий,/ и разделяхуся воды сюду и сюду,/ и бысть ему сухъ путь, иже мокрый,/ во образъ войстинну Крещенія,/ иже мы текущее житїя преходим шествіе:/ Христѡсъ явїся во Иорданѣ освятити воды.

И ныне, Богородичен:

Яко не имамы дерзновенїя за премногїя грехї наша,/ Ты Иже отъ Тебѣ рѡждшагося моли, Богородице Дѣво,/ много бо можетъ моленіе Матернее ко благосердию Владыки./ Не презри грѣшныхъ мольбы, Всечїстая,/ яко Милостивъ есть и спасти могїй,/ Иже и страдати о насъ изволивый.

Таже, стихїра, глас 8:

Тако глаголетъ Господь ко Иоанну:/ пророче, гряди крестити Менѣ,/ тебѣ создавшаго, и просвѣщающаго благодатию,/ и очищающаго всехъ./ Прикоснїся Божественному Моему верху/ и не усумнїся./ Прѡчее остави ныне,/ ибо исполнити приидѡхъ правду всякую./ Ты же не усумнїся отнюдъ,/ ибо таящагося въ водахъ борителя,/ князя тьмы, тшуся погубити,/ избавляя миръ отъ его сетей ныне,/ подая яко Человеколѡбецъ Живѡтъ вѣчный. **(Дважды).**

Таже стих, глас 6: Сего ради помянухъ Тя/ отъ земли Иордански и Ермонїимски.

Днесь псаломское пророчество конѣц прияти спешит: / море бо,— речѣ,— виде и побеже, / Иордан возврати ся вспять / от лица Господня, от лица Бога Иаковля, / пришедша от раба прияти Крещение. / Яко да и мы, идолевския измывшесе нечистоты, / просветимся душами Его ради.

Стих: Видеша Тя воды, Боже, / видеша Тя воды и убояшася.

Паки тойже.

Слава, глас 5: Что возвращаеши твою воды, о Иордане? / Что воспяцаеши струи, / и не преходиши еже по естеству хождение? / Не мощно ми терпети,— речѣ,— Огня, поядающаго мя. / Удивляюся и ужасаюся крайнему схождению: / яко не обыкох Чистаго измывати, / ни навикох Безгрешнаго отирати, / но оскверненныя сосуды очищати, / терния поपालяти ми согрешений учит / иже во мне крещаемый Христос. / Иоанн свидетельствует ми глас Слова, вопия: / се Агнец Божий, вземляй грехи мира. / Тому, вернии, возопийм: / явлейся Боже в наше спасение, слава Тебе.

И ныне, тойже.

Таже прокимен, глас 4: В мори путие Твоей, / и стези Твоей в водах многих. **Стих:** Глас грома Твоего в колеси.

Таже паремия.

Пророчества Исаиина чтение (глава 12):

Тако глаголет Господь: / почерпите воду с веселием от источников спасения. / И речеши в день он: / исповедайтесь Господеви и призовите Имя Его. / Вознесите во языцех славу Его, / помяните, яко вознесся Имя Его. / Пойте Имя Господне, / яко высокая сотвори. / Возвестите сия по всей земли, / радуйтесь и веселитесь, живущии в Сионе, / яко вознесся Святыи Израилев посреде его.

К Римляном послания святаго апостола Павла чтение (зачало 91):

Братие, / елицы во Христа Иисуса крестихомся, / в смерть Его крестихомся. / Спогребохомся убо Ему крещением в смерть: / да якоже воста Христос

от мёртвых славою Отчею, / тако и мы во обновлѣнии жизни ходити начнем. / Аще бо сообразни бѣхом подобію смѣрти Егó, / то и воскресѣнію бѣдем. / Сіе ведяще, яко вѣтхий наш человек с Ним распятыся, / да упразднится тѣло грехóвное, / яко ктому не работати нам греху. / Умѣрый бо, оправдѣся от грехá. / Аще ли умрóхом со Христóм, веруем, яко и живи бѣдем с Ним. / Ведяще, яко Христóс востá от мёртвых, / ктому ужé не умирает, смерть Емú ктому не обладает. / Ёже бо умре, греху умре единою, / а ёже живёт, Бóгови живёт. / Такоже и вы помышляйте себѣ: / мёртвым úбо бѣти греху, живым же Бóгови, / о Христѣ Иисусе, Гóсподе нашем.

Евѣнгелие от Мѣрка (зачáло 2):

Во время оно / прииде Иисус от Назарѣта Галилѣйскаго / и крестѣся от Иоáнна во Иордáне. / И абие восходя от воды, виде разводящася Небесá / и Дух, яко голубь, сходящ Нань. / И глас бысть с Небесé: / Ты еси Сын Мой возлюбленный, о Немже благоволих. / И абие Дух изведе Егó в пустыню. / И бе ту в пустыни дней четырёхдесять, искушаемь сатанóю, / и бе со зверьми, / и Ангели служáху Емú. / По предáнии же Иоáннове, прииде Иисус в Галилѣю, / проповѣдая Евѣнгелие Цáрствія Бóжія и глаголя: / яко исполнися время и приближися Цáрствіе Бóжие. / Покайтесь и веруйте во Евѣнгелие.

Тáже: Скоро да предварят ны щедрóты Твоѣ, Гóсподи, / яко обнищáхом зело. / Помози нам, Бóже, Спасе наш: / славы рáди Имене Твоегó, Гóсподи, избáви нас / и очисти грехи нáша Имене рáди Твоегó.

Трисвятóе. По Óтче наш: Священник: Яко Твоё есть Цáрство: *(зри страницы 185—186).*

Кондáк, глас 4:

Во струях днесь Иордáнских быв, Госпóдь / Иоáнну вопіет: / не убóйся крестити Мя, / спасти бо приидóх / Адама первоздáннаго.

Гóсподи, помилуй, **40.** Иже на всякое время: *(зри страницу 191).* Господи, помилуй, **трижды.** Слава, и

ныне: **Честнейшую Херувим: Именем Господним** благословѣ, отче. **Священник: Молѣтвами святых** отец наших:

И молѣтва:

Боже и Господи сил и всея твари Содетелю, /
Иже за милосердие безприкладныя милости
 Твоея / Единороднаго Сына Твоего, Господа наше-
 го Иисуса Христа, / низпославый на спасение рода
 нашего, / и честным Его Крестом рукописание
 грех наших растерзавый, / и победивый тем нача-
 ла и власти тьмы, / Сам, Владыко Человеколюбче, /
 прими и нас, грешных, благодарственныя сия и
 молебныя молѣтвы / и избави нас от всякаго
 всегубительнаго и мрачнаго прегрешения / и всех,
 озлобити нас ищущих, видимых и невидимых
 враг. / Пригвозди страху Твоему плоти наша / и не
 уклони сердце наших во словеса или помышления
 лукавствия, / но любовь Твоею уязви души
 наша, / да к Тебе всегда взирающе и еже от Тебе
 светом наставляеми, / Тебе, Неприступнаго и
 Присносущнаго зряще Света, / непрестанное Тебе
 исповедание и благодарение возсылаем, / Безна-
 чальному Отцу со Единородным Твоим Сыном, / и
 Всесвятым, и Благим, и Животворящим Твоим
 Духом, / ныне, и присно, и во веки веков, аминь.

Таже час девятый.

Приидите, поклонимся Цареву нашему Богу. /
Приидите, поклонимся и припадём Христу, Цареву
нашему Богу. / Приидите, поклонимся и припа-
дём Самому Христу, Цареву и Богу нашему.

И псалом 92

Господь воцарися, в лепоту облечеса, / облечеса
 Господь в силу и препоясаса, / ибо утверди
 вселенную, яже не подвижится. / Готов Престол
 Твой оттоле, от века Ты еси. / Воздвигоша реки,
 Господи, воздвигоша реки гласы своя. / Возмут
 реки сотрениа своя от гласов вод многих. / Дивны
 высоты морския, дивен в высоких Господь. /
 Свидения Твоя уверишася зело, / дому Твоему
 подобает святыня, Господи, в долготу дней.

Псалом 113

Во исходе Израилеве от Египта, дому Иаковля, из людей варвар, / бысть Иудея святыня Его, / Израиль область Его. / Море виде и побеже, Иордан возвратися вспять. / Горы възиграшася, яко овнии, и холми, яко агнцы овчии. / Что ти есть, море, яко побегло еси, / и тебе, Иордане, яко возвратился еси вспять? / Горы, яко възграстеся, яко овнии, и холми, яко агнцы овчии? / От лица Господня подвижеся земля, от лица Бога Иаковля, / обращшаго камень во езера водная / и несекомый во источники водные. / Не нам, Господи, не нам, но Имени Твоему даждь славу, / о милости Твоей и истине Твоей, / да не когда рекут языцы: где есть Бог их? / Бог же наш на Небеси и на земли, / вся, елика восхотел, сотвори. / Идоли язык сребро и злато, дела рук человеческих: / уста имут, и не възглаголют, / очи имут, и не узрят, / уши имут, и не слышат, / ноздри имут, и не обоняют, / рuce имут, и не осяжут, / нозе имут, и не пойдут, / не възгласят гортанем своим. / Подобни им да будут творящии я и вси, надеющиися на ня. / Дом Израилев упова на Господа, / Помощник и Защититель им есть. / Дом Ааронъ упова на Господа, / Помощник и Защититель им есть. / Боящиися Господа уповаша на Господа, / Помощник и Защититель им есть. / Господь, помянув ны, благословил есть нас, / благословил есть дом Израилев, / благословил есть дом Ааронъ. / Благословил есть боящияся Господа, малыя с великими. / Да приложит Господь на вы, на вы и на сыны ваша. / Благословени вы Господеви, Сотворшему Небо и землю. / Небо Небесел Господеви, / землю же даде сыновом человеческим. / Не мертвии восхвалят Тя, Господи, / ниже вси, низходящии во ад. / Но мы, живии, благословим Господа / от ныне и до века.

Псалом 85

Приклони, Господи, ухо Твое, и услыши мя, / яко нищ и убог есмь аз. / Сохрани душу мою, яко преподобен есмь, / спаси раба Твоего, Боже мой, уповающаго на Тя. / Помилуй мя, Господи, яко к Тебе воззову весь день. / Возвесели душу раба

Твоего, яко к Тебѣ взях дѹшу мою. / Яко Ты, Господи, Благ, и Кроток, и Многомилостив всем, призывающим Тя. / Внуши, Господи, молитву мою и вонми гласу молѣния моего. / В день скорби моея возвах к Тебѣ, яко услышал мя еси. / Несть подобен Тебѣ в бозѣх, Господи, / и несть по делом Твоим. / Все языцы, елики сотворил еси, приидут, и поклонятся пред Тобою, Господи, / и прославят Имя Твое. / Яко велий еси Ты и творяи чудеса, / Ты еси Бог Един. / Настави мя, Господи, на путь Твой, и пойду во истине Твоей, / да возвеселится сердце мое боятися Имене Твоего. / Исповѣмся Тебѣ, Господи Боже мой, всем сердцем моим / и прославлю Имя Твое в век. / Яко милость Твоя велия на мне, / и избавил еси дѹшу мою от ада преисподнейшаго. / Боже, законопреступницы восташа на мя, и сонм державных взыскаша дѹшу мою / и не предложаша Тебѣ пред собою. / И Ты, Господи Боже мой, Щедрый и Милостивый, / Долготерпеливый, и Многомилостивый, и Истинный, / призри на мя и помилуй мя, / даждь державу Твою отроку Твоему / и спаси сына рабы Твоея. / Сотвори со мною знамение во благо, / и да видят ненавидящии мя и постыдятся, / яко Ты, Господи, помог ми и утешил мя еси.

Слава, и ныне: Аллилуия, трижды. Господи, помилуй, трижды.

Слава, тропарь, глас 4:

Возвращаешся иногда Иордан река милотию Елиссеевою, / вознесшуся Илий, / и разделяхуся воды сюду и сюду, / и бысть ему сух путь, иже мокрый, / во образ войстинну Крещения, / имже мы текущее жития переходим шествие: / Христос явился во Иордане освятити воды.

И ныне, Богородичен:

Иже нас ради рождейся от Девы, / и, распятие претерпев, Благий, / испровергий смертию смерть, / и воскресение явлѣй яко Бог, / не презри, яже создал еси рукою Твоею. / Яви человеколюбие Твое, Милостиве, / прими рождшую Тя Богородицу, молящуюся за ны, / и спаси, Спасе наш, люди отчаянныя.

Таже, тропарь, глас 7:

Ужас бе видети / Небесé и земли Творца, на рецé
обнажшагося / и Крещéние от раба за наше
спасéние приéмлющаго, яко раба. / И ли́цы Ангель-
стии дивляхуся страхом и радостию, / с нимиже
покланя́емся Тебé: / спаси́ нас, Гóсподи. **Дважды.**

Таже стих, глас 2: Сего́ ради помяну́х Тя / от
земли́ Иорда́нски и Ермонийски.

Егда́ к себé грядúща Предте́ча Гóспода сла́вы
вопиа́ше зря*: / Сей, избавля́яй ми́ра, прииде от
истлéния / Сей избавля́ет нас от ско́рби, / Сей
согрешéний оставлéние да́рует, яко Бог на земли́, /
от Дéвы Чистыя прииде ми́лости ра́ди / и вмéсто
рабо́в сыны́ Бóжия соделова́ет, / вмéсто же тьмы
просвещáет челове́чество / водо́ю Божéственнаго
Крещéния Егó. / Прóчее, приидите, согла́сно Того́
да славосло́вим / со Отце́м и со Святы́м Ду́хом.

Стих: Видеша Тя во́ды, Бóже, / видеша Тя во́ды и
убо́яшася.

И па́ки то́йжде тропарь.

**Таже канона́рх, став среди́ цéркве, прочита́ет
стихи́ру сию́. Глас 5:**

Ру́ку твою́, прикосну́вшуюся пречы́стому верху́
Влады́чню, / с нею́же и пéрстом Того́ нам показáл
еси́, / воздежи́ о нас к Немú, Крестите́лю, / яко
дерзнове́ние имéя мно́го, / и́бо бо́лий проро́к всех,
от Него́ свидéтельствован еси́. / Очи́ же твои́
па́ки, / Всесвята́го Ду́ха виде́вша, / яко в ви́де
голуби́не соше́дша, / воздви́гни к Немú, Крестите́-
лю, / и ми́лостива нам содела́й, / и прииди́, ста́ни с
на́ми, / запечата́яй пéние и предначина́яй торже-
ствó.

И творим три поклóны.

**Пото́м глаго́лет велегла́сно многоле́тны свяще́н-
ник или́ диа́кон:**

Вели́кому Господи́ну и Отцу́ нашему́, / Святе́й-
шему Патриа́рху Моско́вскому и всея́ Русы́, /
[Свято-Трои́цкия Серге́евы Лавры́ священноархи-
мандриту́] (**и́мя рек**), / Свяще́нному Сино́ду, / Преос-
вяще́нным митрополи́том, архиепи́скопом и епис-

* зря — видя

копом, / и господіну нашему Преосвященнейшему (имя рек, его же есть область), / настоятелю святаго храма сего, / и всему освященному собору, / Богохранимемй стране нашей, властем и воинству ея, / многа лета.

Всем православным христианом / подаждь, Господи, / тишину, и благоденствие, и изобилие плодов земных, / и многа лета.

Аще ли в монастыре:

Спаси, Христэ Бже, / преподобнаго отца нашего игумена (или архимандрита, имя рек), / еже о Христэ с братиею, / и святую обитель сию в мире сохрани, / и храм сей святый утверди / во веки веков, аминь.

И поют трижды: Спаси, Христэ Бже.

зри Вѣдомо же буди, яко сие многолетно поздравление в соборных церквах при архиереех и инде, где прилично, творится в навечерии по отпусте святяга Литургии или по вечерни, егда бывает навечерие в субботу и недѣлю; в обителях же во всех типиках чин положен сему бывати на часех в сем месте.

Таже оба лика вкупе поют предреченную стихирю. Слава, и ныне, глас 5:

Рѹку твою, прикоснувшуюся пречистому верху Владычню, / с неюже и перстом Того нам показал еси, / воздежи о нас к Немѹ, Крестителю, / яко дерзновение имѣя много, / ибо болии пророк всех от Него свидѣтельствован еси. / Очи же твой паки, / Всесвятаго Дѹха видевшия, яко в виде голубине сошедша, / воздвигни к Немѹ, Крестителю, / и милостива нам содейлай, / и прииди, стани с нами, / запечатаяй пение и предначинаяй торжество.

На 9-м часе кадит диакон весь храм.

Таже прокимен, глас 3: Господь просвещение мое и Спаситель мой, / кого убоюся? Стих: Господь Защититель живота моего, / от кого устрашуся?

Посем паремия.

Пророчества Исаиина чтение (глава 49):

Тако глаголет Господь: / во время приятное послушах тя / и в день спасения помогох тебе. / И создах тя и дах тя в завет языков, / еже устроить

зѣмлю и наслѣдити наслѣдие пустыни. / Глаголюща сущим во узах: изыдите! / И сущим во тьме: открьитесь! / На всех путѣх пасться будут, / и на всех стезях пажить их. / Не взалчут, ниже вжаждут, / ниже поразит их зной, ниже солнце, / но Милуяй их утѣшит я / и сквозѣ истѣчники вод проведѣт я. / И положу всякую гору в путь / и всякую стезю в паству их. / Се сии издалеча приидут, / сии от сѣвера и моря, инии же от земли Персския. / Да веселятся Небеса, и радуется земля, / да отрѣгнут горы весѣлие и холми правду, / яко помилова Бог люди Своя / и смиренныя людѣй утѣши. / Рече же Сион: / остави мя Господь, и Бог забы мя. / Еда забудет жена отроча свое? / или не помилует исчадия чрева своего? / Аще ли же и сих забудет жена, / но Аз не забуду тебе,— глаголет Господь.

К Титу послания святаго апостола Павла
чтѣние (зачало 302):

Чадо Тите, / явися благодать Божия спасительная всем человеком, / наказующи нас, да отвѣргшеся нечестия и мирских похотей, / целомудренно, и праведно, и благочестно поживем в нынѣшнем вѣце, / ждуще блаженнаго упования и явленія славы Великаго Бога и Спаса нашего Иисуса Христа. / Иже дал есть Себе за ны, да избавит ны от всякаго беззаконія / и очистит Себе люди избранны, ревнители добрым делом. / Егда же благодать и человеколюбие явися Спаса нашего Бога, / не от дел праведных, ихже сотворихом мы, / но по Своей Его милости, спасе нас банею пакибытия / и обновлением Духа Святаго, / Егоже излиа на нас обильно Иисус Христом, Спасителем нашим, / да оправдившеся благодатию Его, / наследницы будем по упованию жизни вечныя.

Евангелие от Матфея, зачало 6:

Во время оно / прииде Иисус от Галилеи на Иордан ко Иоанну креститися от него. / Иоанн же возбраняше Ему, глаголя: / аз требую Тобою креститися, / и Ты ли грядеши ко мне? / Отвещав же, Иисус рече к нему: / остави ныне, / тако бо подобно есть нам исполнити всяку правду. / Тогда остави

Его. / И, крестився, Иисус взыде абие от воды, / и се отверзюшася Ему Небеса, / и виде Духа Божия, сходяща, яко голубя, и грядуща на Него. / И се глас с Небес, глаголя: / Сей есть Сын Мой возлюбленный, / о Немже благоволих.

Таже: Не предаждь нас до конца Имене Твоего ради, / и не разори завета Твоего, / и не остави милости Твоея от нас, / Авраама ради, возлюбленного от Тебе, / и за Исаака, раба Твоего, / и Израиля, святого Твоего.

Трисвятое, и по Отче наш: (зри страницы 185—186).

Кондак, глас 4:

Во струях днесь Иорданских быв, Господь / Иоанну вопиет: / не убойся крестити Мя, / спасти бо приидох / Адама первозданного.

Господи, помилуй, 40, и молитва: Иже на всякое время: (зри страницу 191). **Господи, помилуй, трижды.** Слава, и ныне: **Честнейшую Херувим: Именем Господним благослови, отче. Священник:** Боже, ущедри ны и благослови ны, / просвети лице Твое на ны и помилуй ны.

Таже молитва:

Владыко Господи, Иисусе Христе, Боже наш, / долготерпёвый о наших согрешениях / и даже до нынешняго часа приведи нас, / воньже, на Животворящем Древе вися, / благоразумному разбойнику иже в рай путесотворил еси вход / и смертию смерть разрушил еси, / очисти нас, грешных и недостойных раб Твоих, / согрешихом бо и беззаконновахом / и несмы достойни возвести очеса наша и возрети на высоту Небесную, / зане оставихом путь правды Твоея / и ходихом в волях сердец наших. / Но молим Твою безмерную благодать: / пощади нас, Господи, по множеству милости Твоея / и спаси нас Имене Твоего ради Святого, / яко исчезоша в суете дни наши. / Изми нас из руки сопротивнаго, / и остави нам грехи наша, / и умертви плотское наше мудрование, / да ветхаго отложивше человека, в новаго облечёмся / и Тебе проживём, нашему Владыце и Благодетелю, /

и тако, Твоим послѣдующе повелѣнием, в вѣчный покой достигнем, / идеже есть всех веселящихся жилище. / Ты бо еси воистинну истинное весѣлие / и радость любящих Тя, Христѣ Бѣже наш, / и Тебѣ славу возсылаем / со Безначальным Твоим Отцем / и Пресвятым, и Благим, и Животворящим Твоим Духом, / ныне, и присно, и во веки веков, аминь.

Таже, псалом 102

Благослови, душе моя, Господа, / и вся внутренняя моя Имя Святое Его. / Благослови, душе моя, Господа / и не забывай всех воздаяний Его, / очищающего вся беззакония твоя, / исцеляющего вся недуги твоя, / избавляющего от истления живот твой, / венчающего тя милостию и щедротами, / исполняющего во благих желание твое, / обновится, яко орля, юность твоя. / Твориай милостины Господь и судьбу всем обидимым, / сказа пути Своя Моисею, сыновом Израилевым хотения Своя. / Щедр и милостив Господь, долготерпелив, и многомилостив, / не до конца прогневается, ниже в век враждует. / Не по беззаконием нашим сотворил есть нам, / ниже по грехом нашим воздал есть нам. / Яко по высоте Небесней от земли / утвердил есть Господь милость Свою на боящихся Его. / Елико отстоят востоцы от запад, / удалил есть от нас беззакония наша. / Якоже щедрит отец сыны, ущедри Господь боящихся Его. / Яко Той позна создание наше, / помяну, яко персть есмь. / Человек, яко трава, / дние его, яко цвет сельный, тако оцветет. / Яко дух пройде в нем, и не будет, / и не познает ктому места своего. / Милость же Господня от века и до века на боящихся Его. / И правда Его на сынех сынов, хранящих завет Его / и помнящих заповеди Его творити я. / Господь на Небеси уготова Престол Свой, / и Царство Его всеми обладает. / Благословите Господа, вси Ангели Его, / сильнии крепостию, творящии слово Его, / слышати глас словес Его. / Благословите Господа, вся силы Его, / слуги Его, творящии волю Его. / Благословите Господа, вся дела Его, / на всяком месте владычества Его, / благослови, душе моя, Господа.

Слава Отцѹ, и Сыну, и Святому Дѹху.

Хвали, душе мой, Господа, / восхвалю Господа в животѣ моем, / пою Богу моему, дондеже есмь. / Не надѣйтесь на князи, на сыны человеческия, / в нихже несть спасѣния. / Изыдет дух его, и возвратится в зѣмлю свою, / в той день погибнут вся помышления его. / Блажен, емуже Бог Иаковль помощник его, / упование его на Господа Бога своего, / сотворшаго Небо и зѣмлю, море и вся, яже в них, / хранящаго истину в век, творящаго суд обидимым, / дающаго пищу алчущим. / Господь решит окованныя, / Господь умудряет слепцы, / Господь возводит низверженныя, / Господь любит праведники. / Господь хранит пришельцы, / сира и вдову примет / и путь грѣшных погубит. / Воцарится Господь во век, / Бог твой, Сионе, в род и род.

И ныне, и присно, и во веки веков, аминь.

Единородный Сыне, и Слове Божий, безсмертен сый / и изболивый спасѣния нашего ради / воплотиться от Святыя Богородицы и Приснодевы Марии, / непреложно вочеловечивыйся, / распныйся же, Христѣ Боже, смертию смертью поправый, / Един сый Святыя Троицы, / прославляемый Отцѹ и Святому Дѹху, спаси нас.

Блаженна, без пѣния.

Во Царствии Твоем помяни нас, Господи, / егда приидеши, во Царствии Твоем. / **Б**лажени нищии духом, / яко тех есть Царство Небесное. / **Б**лажени плачущии, / яко тии утѣшатся. / **Б**лажени кротцыи, / яко тии наследят зѣмлю. / **Б**лажени алчущии и жаждущии правды, / яко тии насытятся. / **Б**лажени милостивии, / яко тии помиловани будут. / **Б**лажени чисти сердцем, / яко тии Бога узрят. / **Б**лажени миротворцы, / яко тии сынове Божии нарекутся. / **Б**лажени изгнани правды ради, / яко тех есть Царство Небесное. / **Б**лажени есте, егда поносят вам, / и изженут, и рекут всяк зол глагол на вы, лжуще Мене ради. / **Р**адуйтеся и веселитесь, / яко мзда ваша многа на Небесех.

Сла́ва, и ны́не:

Помяни́ нас, Го́споди, / егда́ приидеши, во Ца́рствии Твоём. / Помяни́ нас, Влады́ко, / егда́ приидеши, во Ца́рствии Твоём. / Помяни́ нас, Святы́й, / егда́ приидеши, во Ца́рствии Твоём.

Лик Небе́сный поёт Тя и глаго́лет: / Свят, Свят, Свят Го́сподь Савао́ф, / испо́льнь Не́бо и земля́ сла́вы Твоея́.

Стих: Приступите́ к Немú и просвети́теся, / и лица́ ва́ша не посты́дятся.

Лик Небе́сный поёт Тя и глаго́лет: / Свят, Свят, Свят Го́сподь Савао́ф, / испо́льнь Не́бо и земля́ сла́вы Твоея́.

Сла́ва: Лик святы́х А́нгел и Арха́нгел / со все́ми Небе́сными си́лами поёт Тя и глаго́лет: / Свят, Свят, Свят Го́сподь Савао́ф, / испо́льнь Не́бо и земля́ сла́вы Твоея́.

И ны́не:**Испове́дание правосла́вныя ве́ры
Пе́рваго Собо́ра.**

(Аще́ есть Литурги́я, zde не глаго́лем, но по И ны́не: глаго́лем: Осла́би, оста́ви: и прóчая).

Ве́рую во Еди́наго Бо́га Отца́, Вседержи́теля, / Творца́ Не́бу и земли́, ви́димым же всем и неви́димым. / И во Еди́наго Го́спода Иису́са Христа́, / Сы́на Бо́жия Единоро́днаго, / И́же от Отца́ рождённаго прёжде всех век. / Све́та от Све́та, Бо́га и́стинна от Бо́га и́стинна, / рождённа, не сотворённа, Единосúщна Отцу́, Имже́ вся б́шша. / Нас ра́ди, человек, и на́шего ра́ди спасёния сше́дшаго с Небе́с, / и воплоти́вшася от Ду́ха Свя́та и Мари́и Де́вы, и вочелове́чшася. / Распя́таго же за ны при Понти́йстем Пилáте, / и страда́вша, и погребёна, и воскресе́шаго в тре́тий день, по Писáнием. / И возше́дшаго на Небеса́, и сидя́ща одесну́ю Отца́. / И па́ки грядúщаго со сла́вою суди́ти живы́м и мёртвым, / Егóже Ца́рствию не б́дет конца́.

Вторáго Собо́ра:

И в Ду́ха Свята́го, Го́спода Животворя́щаго, / И́же от Отца́ исходя́щаго, / И́же со Отце́м и Сы́ном спокланя́ема и ссла́вима, глаго́лавшаго проро́ки. /

Во едѣну Святую, Соборную и Апостольскую Церковь. / Исповѣдую едѣно Крещѣние во оставленіе грѣхов. / Чаю воскресѣнія мѣртвых. / И жѣзни бѣдущаго вѣка, амѣнь.

Моли́тва:

Осла́би, оста́ви, прости́, Бо́же, прегрѣшенія на́ша, / во́льная и нево́льная, / я́же в сло́ве и в дѣле, / я́же в вѣденіи и не в вѣденіи, / я́же во дни и в но́щи, / я́же во умѣ и в помышленіи, / вся нам прости́, я́ко Благ и Человеколюбец.

Посѣм: Отче наш, Иже еси на Небесѣх! / Да святѣтся Имя Твое, да придет Царствие Твое, / да бѣдет во́ля Твоя, я́ко на Небесѣх и на землѣ. / Хлеб наш насущный даждь нам днесь, / и оста́ви нам дол́ги на́ша, я́коже и мы оставляем должникѣм на́шим, / и не введѣ нас во искушеніе, но избави нас от лукаваго. **Священник:** Яко Твое есть Царство, и сила, и слава, / Отца, и Сына, и Святаго Духа / ныне и присно и во веки веков. **Чтец:** Амѣнь.

Конда́к, глас 4:

Во струѣх днесь Иорданских быв, Господь / Иоанну вопіет: / не убѣйся крестѣти Мя, / спасти́ бо приидѣх / Адама первозданнаго.

Господи, помилуй, 40. И моли́тва:

Всесвятая Троице, / Единосущная Державо, / Нераздельное Царство, / всех благих Вина: / благоволи́ же о мнѣ, грѣшнем, / утверди́, вразуми́ сердце моѣ / и всю мою отыми́ скверну, / просвети́ мою мысль, / да вѣну сла́влю, пою́, и покланяюся, и глаго́лю: / Един Свят, / Един Господь, Иисус Христос, / во сла́ву Бо́га Отца́, амѣнь.

Аще есть Литургія, глаго́лем:

Досто́йно есть я́ко воистинну блажѣти Тя, Богородицу, / Присноблаженную и Пренепорочную и Матерь Бо́га на́шего. / Честнейшую Херувим и сла́внейшую без сравненія Серафим, / без истлѣнія Бо́га Сло́ва рѣждшую, сущую Богородицу Тя велича́ем. **И отпу́ст.**

Аще же несть Литургiи, глаголем zde:

Буди Имя Господне благословено от ныне и до века. Трiжды.

Слава, и ныне: псалом 33:

Благословлю Господа на всякое время, / вину хвалы Его во устех моих. / О Господе похвалится душа моя, / да услышат кротцыи и возвеселятся. / Возвеличите Господа со мною, / и вознесем Имя Его вкупе. / Взысках Господа, и услыша мя, / и от всех скорбей моих избави мя. / Приступите к Немю и просветитесь, / и лица ваша не постыдятся. / Сей нищий воззва, и Господь услыша и, / и от всех скорбей его спасе и. / Ополчится Ангел Господень окрест боящихся Его / и избавит их. / Вкусите и видите, яко благ Господь, / блажен муж, иже уповает на Нь. / Бойтесь Господа, вси святiи Его, / яко несть лишения боящимся Его. / Богатии обнищаша и взалкаша, / взыскающии же Господа не лишатся всякаго блага. / Приидите, чада, послушайте мене, / страху Господню научу вас. / Кто есть человек, хотяй живот, / любяй дни видети блага? / Удержи язык твой от зла и устне твой, еже не глаголати лести. / Уклонися от зла и сотвори благо, / взыщи мира и пожене и. / Очи Господни на праведныя, и уши Его в молитву их. / Лице же Господне на творящия зла, / еже потребити от земли память их. / Возваша праведнии, и Господь услыша их / и от всех скорбей их избави их. / Близ Господь сокрушенных сердцем и смиренныя духом спасет. / Многи скорби праведным, и от всех их избавит я Господь. / Хранит Господь вся кости их, ни единая от них сокрушится. / Смерть грешников люта, / и ненавидящии праведнаго прегрешат. / Избавит Господь души раб Своих, / и не прегрешат вси, уповающии на Него.

Достойно есть яко воистинну / блажити Тя, Богородицу, / Присноблаженную и Пренепорочную и Матерь Бога нашего. / Честнейшую Херувим и Славнейшую без сравнения Серафим, / без исления Бога Слова рождшую, / сущую Богородицу Тя величаем.

Таже отпуст. И бываёт росход до часа вечерняго. Вечерня же бываёт с Литурגיעю Васілія Великаго во своё время.

зри Вѣдомо же буди: Аще случѣтся навечеріе Богоявлѣнія в суббѣту или недѣлю, пост не бываёт. И тропарі царскихъ часѣвъ со чтѣніями в суббѣту и недѣлю не пою́тся, но поёмъ часѣ царскія прѣжде в пятѣкъ, по обычаю, якоже ука́зано на ряду́, глаго́лемъ же и псалѣмъ 33: **Благословлю́ Гѣспода: и зри** отпуст. И в той день ядѣм сыр и яица. Аще будѣтъ навечеріе в суббѣту: прокѣмен, аллилу́ія и прича́стен дне: Апѣстолъ же и Евѣнгеліе прѣжде суббѣте предъ Богоявлѣніемъ и **зри** потѣмъ рядъ. По **Изрѣдно**: поёмъ **Достѣйно** естъ: Аще ли в недѣлю навечеріе Богоявлѣнія: прокѣмен, Апѣстолъ, аллилу́ія, Евѣнгеліе и прича́стен, прѣжде Недѣли предъ Богоявлѣніемъ, и потѣмъ рядъ. По **Изрѣдно**: же, поёмъ **Достѣйно**: По отпу́щеніи же Литурגיעи ядѣм укру́хи, и пиёмъ по едѣной ча́ши вина́. Совершѣнно же ядѣм по отпу́сте вечерни со елѣемъ, сыра же, и яицъ, и рыбъ ника́коже дерзнемъ косну́тися.

Подобаёт вѣдати:

зри Аще Просвещѣній день случѣтся в недѣлю, воскрѣсно ничтѣже поёмъ, но все послѣдованіе прѣздника: вѣчер, и утро, и на Литурגיעи.

